

Akugu Ma Dɔgba 'Ba Pɔlo Zi Kanisa Ma KORINITO

¹ Ma Pɔlo mo ame Bɔko'ba kigeli ma 'deni gɔ ako'dɔkɔ abo rɔ bɔ laja 'ba Yɛsu Kurisitɔ ne, ze ti Sosetene bɔ lɔndɔ ze, dumɔtɔ ye pili.

² Mɛdi mugu ame ziye kpe kanisa 'ba Bɔko'ba ma mi Korinito, kpe ame ga Bɔko'ba kidɛki ye 'deni rɔ 'ba bo ga rɔ akɔtɔ ti Yɛsu Kurisitɔ gbɛ mi rɔ kodɔ'bo ti ma konzi mɔtɔ ga ame mi dɔliɔ nime pili kɛdi kumɔtu ti mɔyi bo Yɛsu Kurisitɔ ɲere 'bɛnni ame kina gbɛ rɔ ɲere ze ne.

³ Lende kɛyi ti yɛyi abo 'ba Bɔko'ba 'bu ze ti 'ba ɲere ze Yɛsu Kurisitɔ koloma kɔtɔ tiye.

Yɛyi Ti Kurisitɔ

⁴ Mɛdi nduwɛ rɔ to'dɔ yɛɛ'di mo zi bo Bɔko'ba ma gɔ lende 'be gɔ mi kɛyi nime bo ko'dɔ 'deni ziye kpe ma rɔ akɔtɔ ti Yɛsu Kurisitɔ ne.

⁵ Bo odo mɔri 'deni dɔye ki'di akikali gbɛ ti kpa kikali lende 'deni ziye.

⁶ Kina gbɛ ɲgira'da 'ba laja 'ba Kurisitɔ alo 'deni ɲgi miye,

⁷ kɔɔke dɛ du te di dɔ yɛyi ma Bɔko'ba kɛdi ko'dɔ pili ziye naga mi kɔmɔ ki'di 'be gɔ tako 'ba ɲere ze Yɛsu Kurisitɔ tileme rɔ bo.

⁸ Bo na ɲgi ti kogbo ye kɔ'bɔke ti mi kɛdi ɲbɔ kɔmɔ mi kada ma rɔ ɲburunburu 'ba dɔliɔ nime kota ye kinza boti mɔtɔ rɔye mi kada 'ba tako abo nima.

9 Bo Boko'ba na me kidëki ye 'deni mi ro kodɔ'bo ti kole abo Yësu Kurisitö nhere ze nime kina bo bo tuyi mi lende abo na dë.

Lamo Ti Ro Koza

10 Kpe löndö ma ga, mëdi mi'di ame ziye ti közi kakpa 'ba nhere ze Yësu Kurisitö. Utike do lende 'be bi koto kinza ro koza yimo. Odo'bake miye nburu koto mi meri 'be gbi ti lende kiya 'be ga.

11 Römöyi muwö läbi mo bine e'be Kulöwë ga iyëti zö tégë lamo ëdi 'deni mi löngö ye yayi.

12 Kpe lende 'be pili ro goye, ya moto ga ebe tiya mo te, “Ma 'bama mösö go Polo,” ya moto ga iya 'bënni te, “Ma 'bama ro 'ba Apolo,” moto ga tégë, “Ma 'ba Pitörö na,” tine ya moto ga iya 'bënni te, “Ma 'ba Kurisitö na.”

13 Wa'di ga na tara? Kurisitö mo ebe koza mini 'deni? Polo na me kutöti köle bine do ngëri goye ne? Obapatisi ye ro bo kösö go Polo ga?

14 Yë'di këdi zi Boko'ba, 'bama mobapatisi ama boto dë di mi löngö ye yayi. Bilaka ma mobapatisi na nge ro Kurisipö ni ti Gayo.

15 Kina kinza boto moto kebe kiya dë te obapatisi bo ro bo kösö goma.

16 Tine moto e'be Setepana ga na nge mobapatisi. Momeri 'bama boto moto ma mobapatisi 'böwu di go ame inza kpe.

17 Kurisitö oja ma dë tobapatisi bilaka, tine oja ma tuwöwö laja laka abo. Kina bo oja ma dë gbi 'do tuwöwö mo ti akikali 'ba mi do bilaka lesi kinza kuburu bi 'ba tutöti Yësu nime ra yaga.

Akikali Ma Laka

18 Römöyî tölê 'ba Kurisîtö dö ngëri nime ma di zinnî lijê ma 'deni rô a 'ba tölê naga nima inda ngî kôzo lende sari. Ne ma di zize ze ame kedi kômô ze ne ileme ngî rô tigo 'ba Boko'ba.

19 Mî buku 'ba Boko'ba yayi iya te, "Ti mirasi mî akikali 'ba bô lende kikali ni yaga. Kina ti milikö mî kômô kandi 'ba bô kômô kandi ni yaga."

20 Ne ödô kina kedi 'deni te tine lijê bô lende kikali ni edi 'deni yala nati? Kina gbî lijê ma rô bô kômô kiyandi 'ba kö'du ki'di mo tönê ga lijê edi 'deni yala nati? Lijê bô kpa kitigo mo tönê ga edi 'deni yala nati? Kina me Boko'ba kileme 'deni bine akikali 'ba dolinô nime ka ngî rô wa sari.

21 Römöyî bo Boko'ba ti akikali dö kiteli abo i'di tikali bo 'deni konya dönni lijê bilaka lesi ti akikali ma 'bënnî mo tönê. Tine ma ki'di dönni gô laja rumö abo nime dedî duwöwö kôzo akiya 'bënnî 'ba laki ni ne na Boko'ba kedi kômô.

22 Yudayi iteri ma 'bënnî rô gô kotô rô akileme mo, tine Giriki oma 'bënnî rô gô akikali mo.

23 Tine ma 'beze duwöwö eze nge rô lende 'ba tutöti Kurisîtö ame koja kako di mitôro ne. Kina me 'böwu Yudayi omba ma 'bënnî za rô gönni teyi, tine ma di zi bô löwö ni ngî rô wa sari.

24 Na ma di zinnî lijê Yudayi ni ti Giriki ame ga Boko'ba kidêki 'deni ne, Kurisîtö mo na me ngî dedî duwöwö. Bo na rô tigo 'ba Boko'ba gbî rô akikali mo.

25 Römöyî wa ame kedi kiya rô rumö 'ba Boko'ba ne ebe akikali 'ba bilaka lesi. Kina wa ame kedi kiya rô tikenme 'ba Boko'ba ne ebe tigo 'ba bilaka lesi.

²⁶ Kpe löndö ma ga, omerike te ma tönë Boko'ba kädëki ye ne. Ma konzi di mi löngö ye inza rö bö akikali 'ba döliŋo nime. Ma konzi inza gbï rö bö tigo ala rö kole 'ba löbu ni.

²⁷ Tine Boko'ba igeli abo rö wa ame ga bilaka 'ba döliŋo nime kädëki rö rumö ne 'do kodo rö kaya rönni lijë bö lende kikali ni. Bo igeli abo rö wa ame döliŋo kädëki rö ma kenme naga ne 'do kodo rö kaya rönni lijë bö tigo ni.

²⁸ Bo igeli abo rö wa ame ga döliŋo kindiri kudöli kiya rö wa ma yawa ne 'do kuburu lijë bö rö löbu ni.

²⁹ Bo Boko'ba o'do kozo a nima tara kinza boto kari kebe ra tonyo koso mo zi bo.

³⁰ Bo Boko'ba na ko'de ye 'deni rö akoto ti Yësu Kurisitö. Kina me bo i'di Kurisitö 'deni rö akikali zize. Ti Kurisitö na ki'di ze 'deni rö ma laka komo Boko'ba gbï rö 'ba bo ga kutë goze 'deni yaga.

³¹ Kina 'deni kozo ma tönë mi buku 'ba Boko'ba kiya te, "I'dike lijë ame ga ko'doko tonyo koso ne konyo ti go wa ma Boko'ba ko'do."

2

Laja 'Ba Kurisitö

¹ Ne ma 'bama, löndö ma ga, me tönë mari ziye yayi tuwöwö a ma Boko'ba kusu dömo 'deni pa naga ne, muwöwö dë ti kpa kitigo ala ti akikali 'ba bilaka lesi.

² Mi kada ma mëdi tiye yayi nima mi'di döma kudölu ngi di go wa pili, Kurisitö na nge mi'di komo ma tuwöwö mo ziye gbï ti lende 'ba tutöti bo.

³ Mī kada nima ma ṅgī du kinza tigo mo, rōma kō'bō tilè'di di zi tikere.

⁴ Kina laja ma ti lende kiya ma ṅgī du kinza lende kikali mo, tine rō akileme tigo 'ba Nyi Koto Laka.

⁵ Tine ti'di dōye gō lende 'ba Kurisitō inza gō akikali 'ba dō bilaka lesi. Tigo 'ba Boko'ba na.

Akikali Ma Rō 'Ba Boko'ba

⁶ Ne ma di zi ya ame ga kandi 'deni mī lende 'ba Boko'ba ne lende kikali mo na me dēdi duwōwō. Ne tine inza rō akikali ma 'ba dōliṅṅ nime ala 'ba ṅere mo ga ame kēdi kiteli è'bēni ṅgī yaga ne.

⁷ Akikali nime dēdi duwōwō ne 'ba Boko'ba na. Bo na kusu abo dōmo 'deni di zi bilaka. Bo iteri 'deni molo di bi tisaki mo 'dō dō'ja rō löbu timo.

⁸ ṅere 'ba dōyayi nime ma koto mōto te ikali akikali nime dē. Ma liṅṅ kēdi kikali ra dēne liṅṅ inza kutōti Kurisitō ṅere 'ba dō wa pili.

⁹ Tine kōzo ma tōnē mī buku 'ba Boko'ba ne iya te, “Wa ame kōmo kō'ja dē mbili kuwō dē gbī dōkī'di bōto komeri dē ne na rō wa ma Boko'ba kileṅṅ 'deni dōmōyī ya ma kō'bo naga.”

¹⁰ Tine Boko'ba i'di Nyi Koto Laka 'deni kugbē'du gomo zize. Rōmōyī Nyi Koto Laka na rō bō kote gō lende 'ba Boko'ba ame ga pele ṅbō rō ma kusu bito ga yayi ne.

¹¹ Kina gbī kōzo ame nī mōto dōkī'di yī na ṅge rō bō kikali gō lende 'bī ga 'doyi ne, kina gbī tara Nyi Koto Laka abo 'ba Boko'ba na ṅge rō bō kikali gō lende abo ga 'doyi.

¹² Kina ma 'beze a 'ba dōliṅṅ nime na dē ki'di rōni zize. Nyi Koto Laka abo 'ba Boko'ba na bo ki'di zize tikali kpa kōzī abo ma bo ki'di zize.

¹³ Kina me dinza kpe dilende ti akikali ame rɔ meri 'ba bilaka ne. Tine dēdī dilende ti wa ame ga Nyī Kɔtɔ Laka na kiyandi ze timo ne, t̄yētī gɔ lende mo zi ame ga bo kēdī 'deni yīmo ne.

¹⁴ Bɔ ame kinza Nyī Kɔtɔ Laka yīmo ne o'ja a mɔtɔ rɔ kpa kōzī nime kako di zi Nyī Kɔtɔ Laka ne dē du te. Ikali dē gbī inda ŋgī rɔ lende sari di zi bo. Rōmōyī todɔrɔ bīcī lende mo ŋge ti Nyī Kɔtɔ Laka.

¹⁵ Kina bɔ ame ti Nyī Kɔtɔ Laka ne na rɔ bo kodɔrɔ bīcī lende pili, tine bɔtɔ ɔ'bo dē todɔrɔ bīcī lende abo.

¹⁶ Kina kɔzɔ ma tōnē mī buku 'ba Boko'ba ne iya te, “Yē na kikali meri 'ba Boko'ba? Yē na kɔ'bo ti'di lende zi bo?” Tine na rɔ ze mo. Ze na ki'di akikali 'ba Kurīsītō 'deni zize.

3

Tiyöbu Mi Laja 'Ba Kurīsītō

¹ Ne kpe löndö ma ga, mɔ'bo dē tilende ziye kɔzɔ tilende zi ya ame ga 'deni ti Nyī Kɔtɔ Laka naga tara. Milende 'deni ziye kɔzɔ tilende zi bilaka 'ba dɔlɔŋɔ nime rōmōyī kpe gba rɔ kole kuru mī ti'di dɔye gɔ lende 'ba Kurīsītō.

² Mba na gɔ mi'di kpeye. Mi'di akonyo ma kitigɔ dē ziye rōmōyī ɔ'bɔke dē gba tonyo mo. Kpe gba ɔ'bɔke dē tonyo wa.

³ Kpe e'be ŋgī gba kɔzɔ bilaka ma 'ba dɔlɔŋɔ nime. Me mī kombi ni ti kpa kogba kēdī gba mī löŋgö ye ne kpe 'ba dɔlɔŋɔ nime na dē gba ya? Kpe gba ŋgī ŋburu mī loma 'ba dɔlɔŋɔ nime.

⁴ Me ɔdɔ ya mɔtɔ ga kēnyī kiya 'bēnnī te, “Mösö 'bama gɔ Pɔlo,” mɔtɔ ga iya te, “Mösö

'bama gɔ Apolo," ne lende 'ba dɔliŋɔ nime na dɛ?

⁵ Apolo mo bo rɔ wa'di? Kina Pɔlo mo bo rɔ wa'di ga? Ze eze ka ŋgɪ rɔ bɔ ndɔbɔ 'ba Bɔko'ba ziye ti'di dɔye gɔ lende 'ba Yɛsu Kurisitɔ. Ze nime kpaki ri'yɔ mɔtɔ ndɔbɔ ma ŋere Yɛsu ki'di 'deni zi'yɪ na me kɛddi ko'dɔ.

⁶ Mɪdi'yɛ ma 'bama 'deni rɔ kupɔ mo kina Apolo ako ma 'ba bo 'deni kodɔ rɔ mini dɔmo. Tine Bɔko'ba na ki'di 'deni kiyɔbu.

⁷ Kina me bɔ ma kɪdi'yɛ mo ti bɔ ma kodɔ mini dɔmo pili inza rɔ a ma kembe. Bɔko'ba bɔ ki'di kiyɔbu mo nima bo na rɔ dɔ kiteli.

⁸ Bɔ kɪdi'yɛ mo ti bɔ kodɔ mini dɔmo li'yɛ kpaki ri'yɔ rɔ ma koriya. Ze nime mɔtɔ Bɔko'ba ɛdi ki'di bi gomɔ 'ba rɔyɪ zi'yɪ kɔzɔ ma ko'dɔ.

⁹ Ze rɔ lɛpi mi ndɔbɔ abo 'ba Bɔko'ba kina kpe na rɔ nyaka abo mo ga. Kina kpe na gbɪ rɔ rɔ abo 'ba Bɔko'ba.

¹⁰ Ti mi kɛyɪ nime Bɔko'ba ki'di ra zɔ ne ma ŋgɪ rɔ ajonyi 'ba to'ba rɔ mugɛ gbɔndɔ mo 'deni kina me bɔ mɔtɔ kɛdi 'deni rɔ to'ba dɔmo teyi. Tine ni mɔtɔ onɔ rɔyɪ laka di bi to'ba mo.

¹¹ Rɔmɔyɪ Kurisitɔ Yɛsu na ŋge kɔtɔ kpɔki Bɔko'ba kugɛ 'deni rɔ gbɔndɔ rɔ nime. Gbɔndɔ mɔtɔ ma 'dɔ kugɛ 'beri di gɔ ame inza kpe.

¹² Kina ya mɔtɔ ga ti kubɔ dɔmo 'deni teyi ti yamo kɔbɔkɔbɔ ti sitɛri ti dɔku ma keke kulɔwɔ naga. Kina mɔtɔ ga ti kubɔ ma 'bɛnni 'deni ti ŋgɛri ni ti mɔli ti kolɔkɔ.

¹³ Tine tetɛni 'ba ndɔbɔ mo ti kinda 'jaa mi kada 'ba tileme Kurisitɔ. Rɔmɔyɪ mi kada mo

nima pa'do ma löbu ti kako ku'dö'dö gɔ ndɔbo ko'dɔ 'bī 'ba mɔtɔ kileme kinē mo yaga.

¹⁴ Ɔɔɔ a 'bēyī 'ba mɔtɔ ame kubö dɔ gbɔndɔ nima ne konya dɔ pa'do ti ko'ja kpa közi 'bī ngī.

¹⁵ Ne ɔɔɔ 'bēyī 'ba mɔtɔ na kilanma yɔ o'ja ɔtɔ dē kpe gomo. Nī mo na nge ti kɔmɔ ē'bī ngī kɔzɔ a ma kɔmɔ di mī pa'do.

¹⁶ Ikalike 'deni rɔ ma laka kpe na rɔ rö löbu 'ba Boko'ba kina Nyī Kɔtɔ Laka abo ēdī koloma mīye.

¹⁷ Kina me ɔɔɔ bɔ mo kebe kirasi rö 'ba Boko'ba nime Boko'ba ti kirasi bɔ mo tɔ nima gbī. Römöyī rö löbu abo 'ba Boko'ba rɔ a ma koro, kina me 'deni rɔ kpe.

¹⁸ Kinza bɔtɔ mɔtɔ kebe ku'bölu rɔ bo dē kpe. Bɔ ame komeri rɔ bo tégé bo bɔ lende kikali na gɔ akikali 'ba dɔlinɔ nime ne, i'dike bo kuyī rɔ bo ti yaga rɔ rumö gɔ bo kēdī rɔ bɔ lende kikali ma laka.

¹⁹ Römöyī wa ame bilaka 'ba dɔlinɔ nime kēdī kīdēkī rɔ akikali ne ka ngī rɔ lende yawa di kɔmɔ Boko'ba. Kɔzɔ ma tönē kugu mī buku abo ne iya te, “Boko'ba o'ba lijē bɔ lende kikali ni 'deni lijē kilaka mī kɔmɔ kandi 'bēnnī ga.”

²⁰ Kina mɔtɔ gbī iya te, “Nere Boko'ba ikali meri 'ba bɔ akikali ni nima dɔ ɔtɔ mo inza.”

²¹ Kina kinza nī mɔtɔ kidewo bɔtɔ mɔtɔ dē ka ndenī. Wa pili ziyī rɔ ē'bī ga.

²² Pɔlo ni ti Apolo ti Pitörö ti dɔlinɔ nime ti didī ni ti tölē ti wa ma gīrī naga nime gbī ti ma 'jaa kɔwɔ yayi naga rɔ gönñī lijē wa naga nime pili ē'bī ga na.

²³ Tine nī rɔ 'ba Kurisītö kina Kurisītö ma 'ba bo rɔ 'ba Boko'ba.

4

Bɔ Ndɔbɔ 'Ba Kurisitö

¹ Ma 'beze ma laka mo na gɔ konɔɔke ze kɔzɔ bɔ ndɔbɔ 'ba Kurisitö ga bɔ konɔɔ gɔ a 'ba Boko'ba mo tönë ga pa rɔ ma kusu ne.

² Tine wa ma ko'dɔko di zi bɔ konɔɔ gɔ wa na rɔ tonɔɔ gɔmo laka.

³ Ne ma 'bama ame gɔ kpe ala bilaka mɔto kodɔro bicɔ lende roma gɔ ndɔbɔ ko'dɔ ma ne, o'dɔ ɔto dë zö. Ma pele modɔro bicɔ lende mo dë gbɔ.

⁴ Ma di zö ma rɔ ma kɔpɔ mɔ ndɔbɔ ma, ne tine ileme dë du te ma 'deni ngɔ rɔ ma laka. Nere Yësu na ti kodɔro bicɔ lende ma.

⁵ Kina kinza kodɔroke bicɔ lende 'ba bɔto mɔto dë ngɔ gba tötɔ tara kota kinza ma kada mo kômö titi. Burë ma nburunburu pili ëdɔ koda tako 'ba nere Yësu titi nɔbö. Bo na ti koja wa pili ma rɔ ma kusu naga pili yaga kpaki ti meri 'ba mɔ dökɔ'di bilaka. Kina ti nɔ mɔto ko'ja rɔ koyo ame koriya tɔyɔ ne ngɔ di zi Boko'ba.

⁶ Kina me löndö ma ga, wa naga nime pili dɔngala mo ga miyari 'deni tize, ze ti Apolo 'dɔ kutuke rɔye gɔ lende ko'dɔ ze. Kina gbɔ gɔ kikalike mɔ 'jo 'ba lende mumë tönë kiya te, "Mɔ akɔyënɔ ɔroke gɔ ame kugu ne." Kina kinza nɔ mɔto kombi döyɔ dë kubɔ gɔ ya mɔto ga tine kebe kudöli mɔto ga.

⁷ Nɔ, yë na ki'di yi mbiri dɔ lëpɔ yɔ ga? Tara ne ë'bi naga nima Boko'ba na dë pili ki'di? Ne gɔ wa'di na këddɔ kombi döyɔ timo kɔzɔ i'di dë rɔ ti'di zɔyɔ tara gɔmo?

⁸ Kpe, äddike 'deni ti wa ma ko'dokoke mo naga? Kina kpe 'deni ro bo mæri mo nati? Kpe 'deni ro nere mo nati ko'ja dædi 'beze gba ro bo sari? Ne ma kiya te kæddike ra 'deni ngi ro nere mo dæne ædi kele ngi sowa go dædi gbi ro nere koto tiye.

⁹ Tine ma di zö bine inda kozo iya te Boko'ba i'di ze bo laja abo ga tædi ngi woti titiyi bæri kozo bilaka ame kodo karama 'deni domo tupö mo yaga komo bilaka pili te ne tara 'do komo doliŋo löbu nime ti malayika ni pili ko'ja ro kaya ze.

¹⁰ Ze ma 'beze 'deni ngi yaga ro rumö dömöyi Kurisito, tine kpe ma 'beye na 'deni ro bo akikali. Denme ma 'beze 'deni ngi du yaga, tine kpe na 'beye ro ma kitigo. Kpe koro ye 'beye kubi goye, tine kudöli ze ma 'beze.

¹¹ Molo tönæ bine nbö komö mi kada nime tone ze ngi ro 'bö ti koda mini kinza bongo roze kedi koto tomba ze dulæ dote go bi ti yida roze,

¹² do'do ndobo ti közize ti tende. Odo kogbaki ze do'do ngi ro yeyi zi bilaka mo ga. Odo kodo gomö roze dombi ngi.

¹³ Odo kumu kpa pele goze dileki domo ngi ro ma keyi. Molo nime ze ngi kozo yeri naga tara zi doliŋo pili.

¹⁴ Wa naga nime medï mugu ne, minza mugu ziye 'do ki'di roye kaya. Tine mugu ziye tiyandi ye timo römöyi kpe kole ma ga ma mo'o kulöwö na.

¹⁵ Kpe 'deni le'jete ti bo kongo goye ga nbani mi kori 'ba Kurisito nime, tine 'bu ædi nge koto. Ma na 'deni nge ro 'bu ziye mi kori 'ba Kurisito nime römöyi ma na muwöwö laja laka mo ziye.

16 Kina me mēdi miya ziye ogbake görö dōma.

17 Gō kō'du mo na me mēdi moja Timatiyo kari ziye yayi ne. Bo na rō kole ma ame mō'ō kulōwō ne. Bo bō ndōbō ma laka 'ba n̄ere ze Kurisitō mo na. Bo ti ki'di ye 'deni n̄gī komerike gō akiyandi mo ga ame mo'dō kote mī kanisa naga nime mī gō bi löbu nime pili ne.

18 Ya mōtō ga ubötō ga rōnni 'deni n̄gī yayi nime te, lijē omeri 'bēnni tēgē minza mako kpe tori ye.

19 Ne ɔdō n̄ere Yēsu Kurisitō ko'dōko n̄gī zō ti mōmō gīri naga nime yayi. Kina ti mako muwō, moṅgō a löbu tō nima lijē bōtō bō kubötō rōnni naga nima kēdi ko'dō ne.

20 Rōmōyī n̄ere löbu 'ba Boko'ba inza n̄ge rō lende kiya, tine kina rō tigo.

21 Kina me ma yala na ko'dōkōke? Gō mako ziye ti n̄yō'bō? Ala gō mako ti akō'ō ti dōkī'di kēyī?

5

Lende Kēnyē Mi Kanisa

1 Mi'di ame te ziye, lēbi mo ēdi kiya rōni kako zō bine tēgē yēri ko'dō ma kēnyē ame ya ma kinza kikali Boko'ba dē naga pele kō'bō dē to'dō mo ne ēdi 'deni ko'dō rōni mī lōngō ye yayi. Bo mōtō kebe kō'dō ti 'ja 'ba 'bu bo.

2 Ne ma tara ne 'dō koyoke rōye tondo ga? O'ja dēne 'dō kuduke kogake bo bōtō bō ko'dō mo nima yaga di mī lōngō ye.

3-4 Ne ma 'bama ame yida rōma pele n̄bō rō ma kōwō di rōye ne, mēdi tiye mī meri. Kina me

mī möyī Yēsu Kurisītō ɲere ze, modɔ karama mo 'deni dɔ bɔtɔ bɔ ko'dɔ lende nime kɔzɔ yida rɔma ēdī tiye yayi. Mī kpa kotɔtɔ 'be ti mēdī ɲgī tiye mī meri. Kina ti tigo 'ba ɲere Yēsu

⁵ odoke kpa bɔ nima zi Satani 'dɔ kupō yida rɔ bo mo nima yaga tine gɔ ɲere Yēsu kɔmɔ didi bo 'jaa mī kada ame 'deni rɔ 'ba bo 'ba ɲere ne.

⁶ Dɔ kombi 'bī 'ba mɔtɔ ileki aa rōyī. Ikalike lende mumē tōnē kiya te, “Laɲga titiyi pele i'di ruzu ma löbu ɲgī kō'bu.”

⁷ Kina ti otɔtɔke laɲga ma molo 'ba lende kēnyē ti yaga di mī löngö ye 'dɔ kēddike ti yaga 'doyi rɔ wa la'ja kɔzɔ maɲgolɔ'bo 'ba Pasaka ame kinza laɲga gomo ne tara. Rɔ ma laka kpe na 'deni ɲgī tara rōmöyī Kurisītō kamölö 'ba karama 'ba Pasaka ze mo tōnē umu 'deni.

⁸ Kina donyoke karama ze ti. Tine kinza donyoke dē ti maɲgolɔ'bo ma ti laɲga molo tōnē ga gomo ame rɔ dɔkomali lende kēnyē ne. Donyoke ti maɲgolɔ'bo ma laka ma kinza laɲga gomo ame kina rɔ lende kodɔrɔ ni ti dōkī'dī kɔtɔ ne.

⁹ Mī waraga ma tōnē mugu ziye ne miya 'deni ziye kinza kodɔ'bɔke dɔye dē ti bɔ yēri.

¹⁰ Tine miya dē te kinza kodɔ'bɔke dɔye dē ti bɔ yēri ma gba kinza kikali Bɔko'ba dē naga ti bɔ tomɔmi wa ni ti bɔ 'böğö ni ti bɔ akoro ni. Todɔ'bo dɔye dē tinni mo omba kina rɔ tēnyī tari ɲburu mī kɔtɔ yaga di mī dɔliɲɔ nime.

¹¹ Tine 'jɔ 'ba lende ma miteri mo, ya ame ga ɲgī kēdī kīdēkī rōnnī 'deni zize rɔ löndö tine kēdī gba to'dɔ yēri rɔ bɔ tomɔmi wa rɔ bɔ kulömu kpēnnī zi akoro rɔ bɔ ti'ja rɔ bɔ layi gbī rɔ bɔ

'böğö ne na gɔ kodo'bɔke dɔye dë tinni. Bilaka ma kozo a nime te pele ro akonyo kinza konyoke dë gbï timo bi koto.

¹²⁻¹³ Tine todo karama do ya ma kinza ro 'ba kanisa naga nima ndobo ma na dë. Boko'ba na ti kodo karama dönni. Ne gɔ wa'di na kpe kodoke karama dë do lepï ye ga ame tiye mi kanisa ne? Mi buku 'ba Boko'ba yayi iya 'deni te, "Ogake bo lende kënyë yaga di mi löngö ye."

6

Burë Mi Löngö Bilaka 'Ba Boko'ba

¹ Gɔ wa'di na odo ni moto këddike ti lende mbowa mi löngö ye ti löndö yi moto kebe kogba lende mo za koto kari zi bilaka ma yaga kola bilaka 'ba Boko'ba?

² Ni, ikali dë du bilaka 'ba Boko'ba na këdi ko'do burë 'ba dolinjo nime pili kada moto? Ne odo kpe na këddi ko'doke burë 'ba dolinjo 'deni, gɔ wa'di na ko'bɔke dë tilejo lende ma titi naga nime?

³ Ikalike dë du ma ze na dëdi do'doke burë 'ba malayika ni kada moto? Ma tara ne kina dë kirindi kebe lende 'ba loma ze bine?

⁴ Ne kina me 'böwu odo lende ma te ga ko'do rönni, gɔ wa'di na kebe kotoke za zi ya ma kinza ro oto mi kanisa naga?

⁵ Laja roye. Kpe nima pili boto ma koto moto te inza mi löngö ye nima ro bo kikali lende ame gɔ ko'bo tote burë 'ba mi löngö ma löndö?

⁶ Kina me ngï 'deni ni moto kogba löndö yi ngï koto za zi ma kinza ki'di dönni gɔ lende 'ba Boko'ba naga na ko'do burë mo.

⁷ Me kēddi kari koroke 'deni za kōmo burē te ne, o'ja Satani na ka'da ye 'deni 'di? Ma laka mo dēne kolake ra ngi gbo kirasi lende ziye kolo e'be ga kinza lende gomo?

⁸ Ne ame kpe ma tōnē mo 'deni ko rō lōndō ne na kēnyike za aa 'bōwu tirasi lende tolo wa rō go rōye.

⁹ Ikalike dē du? A mōto rō bō lende kēnyē 'dō kōdō mi nēre lōbu 'ba Boko'ba inza du te. Kinza ki'dike ku'bōlu ye dē. Bō rōnyo ni ti bō tulōmu kpēnni zi akoro ni ti bō yēri ni ti bōtoni ma kēdi ki'di kō'dō tinnī naga

¹⁰ ti bō 'bōgō ni ti bō tomōmi wa ni ti bō layi ni ti bō ti'ja ni ti bō akolo ni, lijē nime pili a mōto rō tōdō zinnī mi nēre lōbu 'ba Boko'ba inza du te.

¹¹ Ya mōto ga di mi lōngō ye nima bina kina gbī pa tōnē kōzo a nime te. Tine urōgō ye 'deni di mi lende kēnyē. O'de ye 'deni zi Boko'ba ki'di ye 'deni yaga rō ma laka kōmo bo ti mōyi nēre ze Yēsu Kurisitō gbī ti Nyi Koto Laka abo 'ba Boko'ba ze.

I'di Yida Rōyi Zi Kurisitō

¹² Ni mōto ti kiya te, “Ma rō dō ngōlō bi to'dō wa pili.” Ne ti mileki ziyi te, “Yēē, tine wa pili inza rō yēyi ziyi.” Ma gbī rō dō ngōlō bi to'dō wa pili. Tine mola rōma dē zi a mōto kuyi ma rō atoli 'bēni.

¹³ Ne odo ni mōto kiya te, “Akonyo zi mi kina mi zi akonyo,” ti miya te, “Yēē, ne tine kada mōto Boko'ba ti kote dōmo kpaki riyō yaga.” Yida rō nima i'di dē zi bilaka 'dō to'dō yēri timo, tine i'di

'do toja laja 'ba ɲere Kurisitö timo. Kina bo na gbĩ kedi koja go wa pili zi yida roze.

¹⁴ Boko'ba ombi Kurisitö 'deni koja yaga di mi tole kina ti bo ko'do gbĩ tara zize ti tigo abo nime.

¹⁵ Kpe ikalike de du yida roze nime na ro kapa yida ro Kurisitö? Tine 'do kebe kogba kapa yida ro Kurisitö nime 'bowu tondo ga ko'do ro kapa yida ro bo ronyo? Kinza kpe du tara lipo.

¹⁶ Kpe, ikalike de? Ni bilaka ame kinda'ba doyi 'deni ti bo ronyo ni 'deni ro akoto tini. Buku 'ba Boko'ba iya lende nime 'deni te, "Lije nima kpaki riyö 'deni ro yida ro koto."

¹⁷ Kina me bo ame kodobö roni 'deni ti Kurisitö 'deni ro akoto ti Kurisitö.

¹⁸ Kpe, otake roye yaga di ro yeri. Lende kenyë ma laki naga nima pele pili edi 'benni yaga di mi yida ro. Tine bo ame ko'do yeri ne irasi lende 'deni mi yida ro bo.

¹⁹ Ikalike de du yida roye na ro ro 'ba Nyi Koto Laka ame Boko'ba ki'di 'deni ziye kedi koloma miye ne? Kpe, inzake kpe ro 'ba gbagba ye, tine kpe 'deni yaga ro 'ba Boko'ba.

²⁰ Bo ugö ye 'deni ro tugö. Kina i'dike yida roye ti kileme ro löbu abo 'ba Boko'ba.

7

Lende 'Ba Togbe 'Ja

¹ Go lende 'ba wa ma tonë ga kuguke zö bine ne, dogba mo miya te ele zi botoni 'do kosa a moto ro 'ja de.

² Ne go ame yeri ko'do kedi 'deni ngi kulowo te ne, ma laka mo ziyi ni botoni kogbe 'ja 'bi ziyi, go 'ja gbĩ yo moto kedi ti me'de yi.

³ Kina gɔ ni mē'dē kinda'ba 'ja 'bī laka. Kina 'ja gbī tara loko kinda'ba mē'dē ni laka.

⁴ 'Ja loko inza ti kōzī kakpa dɔ yida rōnī, a 'ba mē'dē ni na. Kina bɔtɔni gbī inza ti kōzī kakpa dɔ yida rɔ bo, a 'ba 'ja abo na.

⁵ Kinza kebeke dē toza mī rō, tine nge ɔdɔ kpe na kutike e'be dɔ lende mo 'deni 'dɔ toloma titi mbowa tara mī tō'dō dɔ ndō bi to'dɔ mōtu. Di pōtō mo ileki kodɔ'bɔke dɔye kinza Satani ko'ja kpa kōri ra di rɔye ti akiyɔzɔ mī togbɔ dɔ yida rɔye nima.

⁶ Miya ama 'deni nge tara, tine inza rɔ kō'du ki'di.

⁷ Miteri 'bama dēne gɔ kēddike ra pili kɔzɔ ma te. Ne ɔngɔ, Bɔko'ba oza loma 'deni pili zize rɔ gege ni mɔtɔ ti 'bēyī ama gbī ti 'ba bo.

⁸ Tine zi ya ma kinza kogbe rōnnī dē gba naga ti makuru'bē ni, ma laka mo zīnnī gɔ lījē koloma ē'bēnnī kō'bō nɔburu kutu nnī tara kɔzɔ 'bama te.

⁹ Ne ɔdɔ ni mɔtɔ kɔ'bo dē togbɔ dɔ yida rōyī, ogbe 'bēyī zīyī. Togbe mo na laka kinza ako'dɔkɔ 'ba yida rɔ kogba dōyī ra.

¹⁰ Tine ziye kpe ame ga kogbeke rɔye 'deni ne, wa nime mēdī miya ne lende ma na dē, tine 'ba nɔre ze Yēsu na. Kinza 'ja kebe kēnyī dē di gɔ mē'dē ni.

¹¹ ɔdɔ ni 'ja mo kēnyī, oloma ngī nɔburu tara mɔtɔga kileki zi mē'dē yī mo nima. Kina kinza ni bɔtɔni kebe koga 'ja 'bī dē gbī.

¹² Ziye kpe ma laki mo ga, ame mēdī miya ziye ne ma 'bama na, 'ba nɔre Yēsu na dē. ɔdɔ ni lōndō mɔtɔ kēddī ti 'ja ame gba ki'di dōnī dē gɔ

lende 'ba Yësu ne, kinza koga ni dë ɔɔ loko kuti toloma tiyi.

¹³ Kina gbi tara ni 'ja ame këddi ti më'dë ma kinza ki'di dōni dë gɔ lende 'ba Boko'ba ne, kinza kënyi dë di gɔ bo ɔɔ bo kuti toloma tiyi.

¹⁴ Römöyi botoni ma kinza ki'di dōni dë pele gba gɔ lende 'ba Yësu nima ti ko'ja yëyi 'ba Boko'ba gɔ lende 'ba 'ja abo. Kina 'ja ma kinza ki'di dōni ti ko'ja yëyi gbi gɔ lende 'ba më'dë ni. Ɔɔ kinza tara kole 'be ga ti këdi ngi rɔ ti'da kɔmɔ Boko'ba. Tine rɔ ma laka lijë rɔ 'ba bo.

¹⁵ Ne ɔɔ kiya te ma kinza ki'di dōni dë mo nima ko'dɔkɔ tiyëyi gbe 'bënni nima, i'dike lijë koza gönni ngi. Römöyi a mɔɔ inza bine ame kudödu löndö ti lëmi nime rɔ akɔɔ. Boko'ba idëki ye toloma mi lende këyi.

¹⁶ Ni 'ja, ikali tondo ma këdi kɔmɔ më'dë yi di mi tölë? Kina ni botoni, ikali tondo ma këdi kɔmɔ 'ja 'bi?

Ndose 'Ba Pɔlo Zi Kanisa

¹⁷ Tine ndose ame mola zi kanisa pili na me. Ni mɔɔ oloma kö'bö gɔ loma 'bi ame nere Kurisitö ki'di 'deni ziyi Boko'ba kidëki yi teyi ne.

¹⁸ Ni ame dëki kômö ziyi ko'ja kilele yi 'deni ne, kinza kebe dë kpe 'dɔ tiyölu kpa mbero mo tégë yaga. Kina ni ame dëki kômö ziyi ko'ja kilele yi dë gba ne kinza kebe koma gɔ a mɔɔ rɔ akilele dë kpe.

¹⁹ Römöyi tilele mo ala kilele dë pele nima inza rɔ lende kembe. A ma rɔ dɔ kiteli mo na rɔ tuwö dɔ kö'du ki'di 'ba Boko'ba.

²⁰ Ni mɔɔ ziyi toloma kɔzɔ ame dëki abo 'ba Boko'ba kota yi ne tara.

21 Nī ame dēki kota yi kēddi rɔ atoli ne kinza kind'a'ba meri mo dē. Ne ɔɔɔ ko'ja kɔri 'ba 'dɔ tɔɔɔ yaga di yīmo tēdi rɔ dɔ ɳgölö, laka o'dɔ ɳgī.

22 Römöyī atoli ame kīdēki 'deni rɔ akɔɔ ti bo Kurīsītö ne bo ope 'deni yaga rɔ dɔ ɳgölö. Kina gbī tara ma kīdēki kēdi rɔ dɔ ɳgölö naga 'deni yaga rɔ atoli zi Kurīsītö.

23 Bɔko'ba ugö ye 'deni rɔ tugö kina kinza kebe ki'dike rɔye dē kpe rɔ atoli zi bilaka mɔɔɔ.

24 Löndö ma ga, nī mɔɔ oloma kö'bö kɔɔɔ ma tönē dēki kota yi ne tara kɔmɔ Bɔko'ba.

Lende 'Ba Paraŋga Ni Ti Makuru'bē

25 Gɔ lende 'ba ya ame ga gba kosa a mɔɔ rɔ, rɔ kogbe dē ne, minza ti ndose mɔɔ ma Kurīsītö kose zö gɔmɔ. Tine ma ame mo bo ki'di ma 'deni ti mī kēyī abo 'dɔ ki'dike dɔye gɔ lende ma ne, ma na mēdi mo'de ame 'deni ziye ti meri ma.

26 Kɔɔɔ ame ze 'deni le'jete mī gɔmɔ ne, ma laka mo ɳgī zīyī nī mɔɔ toloma ē'bi ɳgī tara.

27 Nī ame kēddi ma 'bēyī 'deni ti 'ja kinza koma kɔri mɔɔ dē kpe rɔmɔ toga mo yaga. Nī ame kogbe dē gba ne kinza koma ē'bi dē.

28 Ne ɔɔɔ nī bɔtoni kogbe inza rɔ lende kēnyē. Kina ɔɔɔ kogbe yi nyiti inza rɔ lende kēnyē. Ne tine mo'dɔkɔ tokɔnyī ye kpe ma 'beye di zi gɔmɔ löbu nima lijē bɔ kogbe rōnnī ni kēdi kusu kpēnnī yīmo rɔ kɔmɔ lēndö ne.

29 Löndö ma ga, kada ze mī dɔliŋɔ bine gɔmɔ ɔwɔ dē kpe. Kina kisaki di mī kada nime tōne ma kogbe 'ja 'deni pele naga koloma kɔɔɔ inza ti 'ja.

30 Ma ti tɔɔ kɔmɔni, koloma kɔɔ inza rɔ meri. Ma kedi kɔgɔ koloma kɔɔ inza rɔ lɔɔ. Ma kugɔ wa naga koloma kɔɔ inza rɔ ɛ'benni.

31 Ma kedi komɔmi mɔri 'ba dɔliɔ nime kɔɔ yaga kɔɔ ndɔɔ abo na dɛ. Rɔmɔyi dɔliɔ nime dɛdi dɔɔke ne ɛdi kiteli pili yaga giri naga nime.

32 Kina mo'dɔko ye gɔ kolomake kinza dɔki'di kombi. Bo ame gba kogbe 'ja dɛ ne, meri mo ɔ'bɔ ngi nburu gɔ ndɔɔ 'ba nɛre Yɛsu 'dɔ tiyɛyi dɔki'di mo.

33 Ne bo ame ti 'ja ne mi bo ɔ'bɔ rɔ ma kombi gɔ a 'ba dɔliɔ nime tiyɛyi dɔki'di 'ja abo timo.

34 Kina dɔki'di bo ɔ'bɔ ngi nburu riyo. Lije ame ga kinza ti mɛ'dɛ ne, meri 'benni ɔ'bɔ ngi nburu gɔ ndɔɔ 'ba nɛre Yɛsu. Lije i'di ma 'benni rɔnni ngi kpaki ti meri 'ba minni kedi lipo rɔ ma laka zi bo. Tine 'ja ma kogbe 'deni meri mo ɔ'bɔ ngi nburu gɔ a 'ba dɔliɔ nime. Rɔmɔyi lɔko o'dɔko tiyɛyi dɔki'di mɛ'dɛ ni.

35 Minza miya nime 'dɔ to'jɔɔ ye di rɔmo. Tine mo'dɔko tokɔni ye to'dɔ lende laka toja laja 'ba nɛre ze Yɛsu nime ti dɔki'di kɔɔ.

36 Kpe ame ga kiliboke rɔye 'deni ne, ɔɔ kɔɔ lende ko'dɔ 'bi kari dɛ laka tini tine ako'dɔko 'ba yida rɔ ka'da yi 'deni ngi to'dɔ mo, o'dɔ kɔɔ ma kiteri kogbeke rɔye. Kina inza rɔ lende kɛnyɛ.

37 Tine ni ame kinda'ba dɔki'di yi kɔɔ mi libɔ 'bi kogbe dɔ yida rɔyi nburu laka a mɔto ka'da yi dɛ komeri 'deni tara dɔyi tola lɔko koloma tɔti ko'doko'do ne, ele gbi.

³⁸ Bɔ ama kogbe ma 'ba bo ɲgɪ ne, o'dɔ 'deni gbɪ laka. Kina nɪ ma kola 'bɛyɪ tara nima o'dɔ 'deni laka gbɪ rɔ dɔ kiteli.

³⁹ Nɪ ame kogbe mɛ'dɛ 'deni ne, inza rɔ dɔ ɲgɔlɔ. Tine ɔdɔ mɛ'dɛ yɪ kɔlɛ 'deni yaga nɪ ɛ'bi ɲgɪ nati rɔ dɔ ɲgɔlɔ bi togbe mɛ'dɛ mɔtɔ ma ko'dɔkɔ. Kina 'dɔ mɛ'dɛ mo kɛdɪ rɔ ma ki'di dɔnɪ 'deni gɔ lende 'ba Yɛsu.

⁴⁰ Tine ma momeri 'bama ma laka mo zɪyɪ toloma tara kinza togbe mɛ'dɛ mɔtɔ. Ma, ma Pɔlo momeri ma 'bama na tara kina mikali ɲgɪ mɛdɪ ti Nyɪ Kɔtɔ Laka.

8

Yida 'Ba Akoro

¹ Ti miya ame ziye gɔ lende 'ba yida ma kɛdɪ kumu zi akoro naga. Dikalike 'deni rɔ ma laka ze pili ti akikali kɔzɔ ma kiya rɔnɪ. Tine akikali na kɛdɪ ko'de dɔ kombi. Ako'ɔ na rɔ a ki'di tigɔ.

² Bɔ ame komeri tɛgɛ bo ikali wa ne, bo ikali ɔtɔ dɛ gba laka.

³ Tine bɔ ame kɔ'ɔ Bɔko'ba ne na ɲge Bɔko'ba kikali.

⁴ Kina gɔ lende 'ba tonyo wa ma kumu zi akoro ti miya te ze dikalike 'deni rɔ ma laka akoro inza rɔ ɔtɔ. Bɔko'ba ɲge kɔtɔ mɪtɔrɔ, a mɔtɔ inza.

⁵ Kina kɔzɔ ame pele ya mɔtɔ ga kɛdɪ kiya te, Bɔko'ba mɔtɔ ga ɛdɪ mɪtɔrɔ, mɔtɔ ga mɪ yayi bɛrɪ ne, ɔdɔ Bɔko'ba tɔ mo naga nima ti ɲere 'ba dɔ mɪtɔrɔ mo tɔ naga nima kɛdɪ pele yayi

⁶ ma 'beze dikali Bɔko'ba ɲge kɔtɔ ame bo na rɔ 'bu ze ne. Bo na me ko'ba wa pili ki'di ze me dolomake mɪ laja abo ne. Kina ɲere 'ba dɔ

mītoro gbī nge koto ame bo na ro Yēsu Kurisitō. Bo na me ki'di ze ti wa pili 'ba doliŋo nime kozo ame dēdike ne.

⁷ Tine ya mōto ga di mī lōngō ze bine ikali ma 'bēnni lende nima dē. Toro akoro na 'deni za kikali rōnni. Pele giri nime odo lije konyo akonyo mo tēgē lije onyo wa koro 'deni. Meri 'bēnni itigo dē gba na tonyo a nima kirasi yimo ngi yaga.

⁸ Tine akonyo o'do oto dē zize komo Boko'ba. Odo donyoke dē, iyēnyē ze dē ngi buju komo bo. Kina odo kiya te donyoke pele ileŋo ze dē ngi lipo komo bo.

⁹ Ni ro do ngölō tonyo mo, tine kinza ki'di dē kēdi yaga ro a 'ba la'ba zi ma meri mo ga kitigo dē gba naga.

¹⁰ Rōmōyi odo kiya te bo ame meri mo kitigo dē gba ne ko'ja yi ni bo lende kikali mo tōnē na kēddi 'deni tonyo wa di mī rō 'ba akoro, ro ma tondo na 'do koco bo dē tonyo wa ma kumu zi akoro?

¹¹ Omba bine akikali 'bi mo tōnē na aa 'bōwu kupō bo nima 'deni za yaga. Bine bo gbī ro löndō ziyi Kurisitō kolē 'deni gbī go bo.

¹² Lende kēnyē ame ko'do zi löndō ma gba meri mo kitigo dē kozo a naga nime te ne, Kurisitō na ko'do lende kēnyē 'deni teyi.

¹³ Ne kina me odo kiya te a tōnē monyo ne na ki'di löndō ma 'deni kila'ba mī lende kēnyē kozo a nima tara, a mōto ro yida minza monyo kpe kinza ma na mebe mōro ra ro bo közi, ti'di löndō ma kila'ba mī lende kēnyē.

Bɔ Laja 'Ba Yēsu

¹ Onḡoke di rɔma, ma gbagba ma rɔ dɔ nḡölö. Ma rɔ bɔ laja 'ba Yēsu. Mo'ja kinē n̄ere ze Yēsu ti kɔmɔ ma. Kina kpe na rɔ kinē 'ba ndɔbɔ ma m̄i tigo 'ba n̄ere Yēsu.

² Kina kɔzɔ ame ma konzi mɔtɔ ga kiya pele te minza rɔ bɔ laja ne, ma di ziye ma nḡi rɔ bɔ laja 'ba Yēsu. Römöyī tēdī 'be rɔ akɔtɔ ti n̄ere ze Yēsu na kileme 'deni Boko'ba na koja ma.

³ Tine ḡɔ 'ba ya ma kiya kpēnnī rɔma naga nima ti miya zinnī te,

⁴ “Ma di ziye kpe nima, inza rɔ ma laka ḡɔ kokonyi ze ti mini ni ti akonyo 'ba kpeze?

⁵ Inza rɔ ma laka zize ḡɔ togbe 'ja di m̄i yitö ame ga 'deni m̄i kanisa ne tilingere timo kɔzɔ ma 'ba Pītörö ni ma ti bɔ laja mɔtɔ ga 'ba n̄ere Yēsu ti löndö bo ga tara ya?

⁶ Ḡɔ wa'di na ze ma 'beze ti Baranaba na nḡe ḡɔ do'dɔ ndɔbɔ 'ba kpeze ti kōzize?

⁷ Yē na ko'dɔ ndɔbɔ 'ba bɔ kanya ra mɔlo ti yamo 'ba gbagba bo? Yē na kidiyē nḡērī ra nḡi tara kinza konyo ma kana mo? Yē na koda sa ra nḡi tara kinza ma kuwē wī mo?”

⁸ Minza miyari nḡe ḡɔ 'ba bilaka lesi. Kō'du ki'di iya ḡbī te.

⁹ Ugu m̄i kō'du ki'di 'ba Musa bine iya te, “Ḍdɔ ki'di sa tomba nyönyu kinza kudödu kpamo dē teyi.” Tara ne lende 'ba sa na kɔ'ɔ kulöwö rɔ Boko'ba?

¹⁰ Rɔ ma laka wa nima bo iya ḡɔ lende ze. Römöyī bɔ korɔ'dɔ mo ti bɔ komba mo m̄i kɔmɔ ki'di 'ba ndɔbɔ 'bēnnī lijē ti konyo nḡi di yimo.

11 Kina me duli kupö 'ba Nyi Koto Laka 'deni miye. Ne go wa'di na 'do do'ja 'ba tulu yida ro de gomo di ziye?

12 Me kedı ro ma laka zinni lijė moto mo naga nima titeri mo di ziye ne, o'ja dene go ma 'beze na kedı ro do kiteli 'di? Ne ongo ze donyo eze kori mo de. Dosa eze ngi pili roze kinza kebe kuruwö roni ra mi kori 'ba laja laka 'ba Kurisitö nime.

13 Ikalike 'deni laka bo ndobo 'ba mi rö löbu 'ba Boko'ba edi konyo kpenni di yayi. Kina bo akumu ni gbi ogba kapa 'ba yida ma kumu naga ro akonyo zinni.

14 Kina me gbi tara nere ze Kurisitö ose 'deni 'do bo kuwöwö laja laka abo ga konyo kpenni timo.

15 Ne ongo 'bama monyo ama lende mo de. Kina minza mugu lende nime gbi te bine zo ro kpati. Ma laka mo zo 'do tole ngi titi du yaga di do ame 'do bo moto na kari koyoyo ro bo do wa ma 'do moyo roma gomo mo tone ne.

16 Romoyi tuwöwö laja laka 'ba Boko'ba na de ro wa ma 'do moyo roma timo. Ndobo ma, ma Boko'ba kose zo na. Bu'bu zo odo kiya te muwöwö de.

17 Odo muwöwö ngi go ako'doko mo ti mo'ja bi gomo 'ba roma ngi. Tine mo'do ngi kozo ndobo ma ki'di ma teyi go ame Boko'ba kolo 'deni roma ne.

18 Ne tine 'do wa'di na mo'ja ro bi gomo 'ba roma? Omba kina ro laja laka 'ba Kurisitö nime zo tuwöwö mo ro ma sari kinza boto kopi oto de zo gomo, zo to'jono roma yaga di bi to'ja bi gomo 'ba roma.

19 Di mi ame pele minza ro atoli 'ba boto ne mileki roma 'deni yaga ro atoli zi bilaka pili ro buru 'do mokonyi ma konzi ti'di donni go lende 'ba Yesu.

20 Zi ma ro Yudayi mo ga mileki roma gbi yaga ro Yudayi 'do tokonyi lijé. Di mi ame minza pele bici ko'du ki'di 'ba Musa ne mileki roma gbi yaga tara mi ndobo ma tinni go mokonyi lijé.

21 Kina gbi tara zi ma ro bo lowo naga mileki roma yaga ro bo lowo 'do mokonyi lijé ame ga kinza bici ko'du ki'di 'ba Musa ne. Tine inza de du te moro ko'du ki'di 'ba Boko'ba de. Ko'du ki'di 'ba Kurisitö mbiri doma.

22 Mi longo ma kinza meri mo kitigo de naga mileki roma gbi kozo lijé tara 'do mokonyi lijé. Mileki roma yaga mo'do wa pili ro ma koriya go loma 'ba bilaka lesi zo tomo lijé yaga.

23 Mo'do wa pili 'deni tara go laja 'ba Kurisitö 'do mo'ja yei ma gomo.

24 Ikalike 'deni mi riña doli bilaka ro ma konzi. Tine pele bo ma koto na nge kedí kari ko'ja kpa kozimo. Kina ti ni moto iriña ti ro ma kembe mi loma 'bi 'do ko'ja kpa kosi 'ba gomo.

25 Mi leyé pili moto ogbo do yida ro bo laka go bo ko'ja kpa kosi. Ro kupö ma 'beni nime le ka go kpa kosi kinza kigabi to. Tine kpa kosi ma 'beze nime dedi dupo roze gomo ne o'bo 'beni ngi ro nburunburu.

26 Kina me medi miriña 'deni ro ma kodoro milapo bi tote mo. Ma 'deni ngi kozo bilaka ame komba mabo abo de ngi sowa mi lili yayi ne tara.

27 Monzo yida roma ga 'deni 'do moro njo kitigo romoyi kinza kebe ko'joro ma, ma bo kuwöwö

laja laka 'ba Kurisitö mo tönë ra ti kpa közimo kada mɔto yayi.

10

Akiyandi Gɔ Lende 'Ba Akoro

¹ Löndö ma ga, mo'dokɔ ziye 'dɔ komerike wa ma ko'dɔ rönɪ zi 'bu ze löbu tönë ga kari ti Musa ne. Lijë nima pili pɔli itata 'deni kumu dɔ Yöpö Kasi ti ndinnɪ.

² Obapatisi lijë pili 'deni rɔ bɔ kösö gɔ Musa ga mi pɔli ti mini löbu nima.

³ Lijë pili onyo akonyo kɔtɔ nima Nyi Kɔtɔ Laka ki'di zinnɪ ne.

⁴ Lijë pili uwë mini kɔtɔ nima Nyi Kɔtɔ Laka koja zinnɪ di mi döku mo nima kö'bö nduwë tinnɪ ne. Omba kina rɔ Kurisitö.

⁵ Tine pele tara gba döki'di Boko'ba eyi dë rɔ ma konzi mɔto mo ga. Kina töku lijë kileke ngi yi mökö.

⁶ Wa naga nime pili o'dɔ rönni rɔ akileme zize kinza debeke ra titeri lende kënyë kɔzɔ 'bënni ma lijë ko'dɔ

⁷ ala dulömuke kpeze gbɪ zi akoro kɔzɔ ma 'bënni. Kɔzɔ ma kugu mi buku 'ba Boko'ba ne tara iya te, "Lijë oloma ngi bi tonyo karama tuwë wa lijë kënyi bi tusi ngala."

⁸ Kinza debeke dë gbɪ to'dɔ yëri kɔzɔ ma 'ba ya ë'bënni mɔto ga ame ki'di ma kuluku 'butë bi 'butë sowɔ döömu döokɔtɔ (23,000) kölä ngi pili kada kɔto ne.

⁹ Kina kinza debeke dë gbɪ tiyɔzɔ nɛre ze Boko'ba kɔzɔ ma 'ba ya ma 'bënni mɔto ga ame ki'di murë koloma tupö lijë ne.

10 Kinza debeke dē gbī tonbororo rōze kōzo ma 'ba ya ma 'bēnnī mōto ga ame ki'di malayika 'ba tōlē kupō lījē ne.

11 Wa naga nime pili o'do rōnnī 'deni zīnnī te 'do kēdi rō akileme zi ya mōto ga. Kina me kugu 'deni 'do ki'di kōmō kandi mo zize. Rōmōyī dēdike ma 'beze nime 'deni ŋgī mī kōmō kōo ame 'deni ŋgī rō 'ba tako 'ba ŋburunburu 'ba dōlinjo nime ne.

12 Kina me bōto ame komeri rō bo tēgē bo ēdī rō ma kōro tōro ne, bo ki'di kōmō bo kandi laka kinza bo kila'ba ra.

13 Akiyōzo ame ga pili kēdi kōmō zīyī ne na gbī kōmō zi ya ma laki tara. Bōko'ba oro ŋburu ti mī kēyī gō lende abo kina bo ola akiyōzo dē ko'do rōnī zīyī mōto kebe do tigo 'bī. Mī akiyōzo bo ti ki'di kōri 'ba tolō rō ŋgī zīyī. Bo ki'di tigo mo zīyī togbo rōyī kpamo.

14 Kina me 'deni ti, kpe lōndō ma ame ga mō'o ye ne, kinza ko'dōke oto dē kpe ti akoro.

15 Mēdī miya ziye kpe ma kikalike lende 'deni igelike ma laka ti ma kēnyē mo 'jaa di yīmo.

16 Kōsu tōnē dulōmu dileki yēē'dī mo zi Bōko'ba duwēke di yīmo ne na rō, rō kodō'bo zize mī roma Kurisītō. Kina gbī maṅgolō'bo mo tōnē donye yīmo donyoke ne na rō, rō kodō'bo zize mī yida rō Kurisītō.

17 Ze pili donyoke 'deni di mī maṅgolō'bo koto nima. Kina me ze pele rō ma konzi nime ze pili 'deni ŋgī rō akoto.

18 Onḡoke Yudayi ni te, ame ga pili konyo yida 'ba akumu ne odo'bo ŋgī pili mī yēyī 'ba akumu nima.

19 Tine wa'di ga na me mēdi miya bine ne? Tara ne akumu zi akoro ni ti akoro mo rɔ a löbu?

20 Inza tara. Tine miya te, akumu ma 'ba bɔ kinza kikali Bɔko'ba ni naga nima lijē ēdi kumu zi Satani. Inza zi Bɔko'ba. Tine ma mo'dɔkɔ dē ziye 'dɔ kodɔ'bɔke rɔye ti Satani.

21 Rɔ ma tondo mo ga na gɔ kuwēke gbī di mī kōsu 'ba Kurīsītō ɲere ze kebe kilekike 'böwu kuwēke di mī 'ba Satani? Rɔ ma tondo mo ga na 'dɔ konyoke di dɔ tarabiza 'ba Kurīsītō ɲere ze kebe kilekike 'böwu konyoke di dɔ 'ba Satani?

22 Gɔ wa'di? Do'dɔkɔke gɔ dōkī'dī bo Kurīsītō ɲere ze kombi rɔze? Ala domerike 'deni ditigoke kebe bo?

Wa Pili Inza Rɔ Yēyī

23 Ti nī mɔtɔ kebe kiya te, “Ma rɔ dɔ ɲgölö bi to'dɔ wa pili.” Ti miya ziyī te, “Ele. Ne tine wa pili inza rɔ yēyī ziyī.” Ze rɔ dɔ ɲgölö bi to'dɔ wa pili rɔ gomo. Tine lijē wa mo naga nima itigɔ wa dē pili.

24 Kinza nī mɔtɔ ko'dɔ wa dē ɲge tokɔnyi gbagba yī timo, tine o'dɔ tokɔnyi lēpī yī ga timo.

25 Nī rɔ dɔ ɲgölö tonyo yida ame pili kugɔ ē'bī ne kinza akititi teyi tikali mo.

26 Römöyī ugu 'deni mī buku 'ba Bɔko'ba, iya te, “Dɔliɲɔ nime ti amo ga pili a 'ba ɲere Bɔko'ba na.”

27 Ɔdɔ bɔ ma kinza kikali Bɔko'ba dē kose yi tari liɲɔ 'bēnī, wa ame ko'de kōmōyī ne onyo ɲgī. Kinza kititi dē.

28 Ne ɔdɔ bɔtɔ mɔtɔ kiya 'deni mɔlo ziyī te, “Wa nima umu zi akoro,” kinza konyo dē. Römöyī bo omeri lende 'deni ti mī bo rɔ akonyo nima.

29 Nĩ na dē komeri 'dɔ tikali mo, tine bɔ nima na.

Tine motɔga ti kiya te, “Gɔ wa'di na 'dɔ lende 'ba bɔ motɔ kota ma di bi tonyo wa ame ma rɔ dɔ ŋgölö tonyo mo ne?

30 Ɔdɔ mileki yëë'di mo 'deni zi Bɔko'ba 'dɔ bɔ mo kiya kpëni rɔmo tondo?”

31 Ne rɔ ma laka ɔtɔ ame ko'dɔ ala konyo kuwë gbĩ ne, o'dɔ pili zi Bɔko'ba kilëlu bo gɔmo.

32 Kinza ki'di loma 'bi dē kebe ko'de lende zi ma rɔ Yudayi gbĩ ti ma rɔ bɔ löwö mo ga ala zi kanisa 'ba Bɔko'ba.

33 O'dɔ kɔzɔ ma mo'dɔ, miteri t̄yeȳi dök̄i'di ma konzi pili ti wa ame ga mēdi mo'dɔ ne. Mo'dɔ dē zi gbagba ma, tine mo'dɔ zinn̄i ma konzi pili 'dɔ kɔmɔ lijē di m̄i tölē.

11

1 Kpe ogbake görö dɔma gbĩ kɔzɔ ma 'bama ame mogba görö dɔ Kurisitö ne.

Toro Kurisitö

2 A nime ki'di mēdi mubi gɔye ne römöȳi ëddike nduwë rɔ tomeri ma, kösöke gɔ akiyandi ma mo tönē moto ziye ne.

3 Ne mo'dɔkɔ ziye 'dɔ kikalike ame gbĩ laka, Kurisitö na mbiri dɔ bɔtɔni. Kina mē'dē na mbiri dɔ 'ja. Kina Bɔko'ba na mbiri dɔ Kurisitö.

4 Kina me bɔtɔni ame kēdi kumötu ala kiya lende 'ba Bɔko'ba ti wa dɔ bo ne odo laɲa 'deni rɔ Kurisitö ame kina mbiri dɔ bo ne.

5 Kina gbĩ 'ja ame kumötu ala kiya lende 'ba Bɔko'ba rɔ dɔ sari ne odo laɲa 'deni rɔ bɔ ame

mbiri dönī ne. Ti kēdī zīnī rō, rō kaya ma löbu. Loko 'deni kōzo 'ja ame kopō domo yaga ne.

⁶ Ɔdo 'ja mo ko'doko tudödu wa dē dönī ma laka mo loko kingenge gbo yaga. Ne kōzo ame do kingenge ni ti do kopō rō, rō kaya zi 'ja ne, ma laka mo loko kudödu wa dönī.

⁷ A mōto inza ame 'do ki'di botoni kudödu wa do bo römöyī bo rō akileme kinē rō löbu 'ba Boko'ba. Tine 'ja 'bēnī rō akileme rō löbu 'ba botoni.

⁸ Römöyī botoni na dē ko'ba di mī yida rō 'ja, tine 'ja na ko'ba di mī yida rō botoni.

⁹ Kina o'ba botoni dē gbī go lende 'ba 'ja, tine 'ja na ko'ba go lende 'ba botoni.

¹⁰ Go kö'du mo na mī mötu ala mī tiya lende 'ba Boko'ba zi 'ja 'do kudödu dönī teyi rō akileme 'ba kōzi kakpa 'ba mē'dē nī di komo malayika.

¹¹ Tine ma di zize ze ma rō akoto ti Kurisito nere ze nime, botoni oco dē di rō 'ja kina 'ja oco dē gbī di rō botoni.

¹² Kōzo ame pele ko'ba 'ja di mī yida rō botoni ne, 'ja na 'deni le'jete kēdī köyö botoni. Kina wa pili ako di zi Boko'ba.

¹³ Tine kpe na go kiyake e'be ti yayi. Ɔdo tara ne ēdī rō ma laka zi 'ja 'do kumötu rō do sari?

¹⁴ Akikali iyandi wa 'deni timo te, odo sunē döyī nī ame rō botoni ne kidakpa kulöwö nima laja na.

¹⁵ Ne ma 'ba 'ja, odo sunē dönñi kidakpa kulöwö nima tele na. Boko'ba i'di sunē kidakpa nima 'deni zinnī 'ja rō bi 'ba akudödu do.

¹⁶ Ne odo bo mo kebe kowasa lende ma 'beze nime, dölētī ma 'beze ti 'ba kanisa 'ba Boko'ba

na me nge diya 'deni.

Akonyo 'Ba Njere

(MT 26:26-29; MK 14:22-25; LK 22:14-20)

¹⁷ Tine mi ndose naga nime a mato mubi goye de. Romoyi do kotonike doye mi motu 'be mo tone 'do kedi ro ma laka ne, tine uyike za 'bowu yaga ro a kenyē.

¹⁸ Ma dogba mo muwo tegē mi motu 'be 'ba kanisa ro koza ebe kusu roni za yimo.

¹⁹ Momeri ti kedi ngi tara romoyi go kileme ma doki'di Boko'ba keyi romo mo ga.

²⁰ Mi kpa kototo 'be 'do konyoke ngi to ro, ro kodob'ba Kurisitō njere ze mo ne inza yo.

²¹ Romoyi di bi tonyo mo mato ile'de ngi molo toti ro akonyo ma 'beyi. Ya mato ga kari ma 'benni ngi ti 'bo, tine mato ga konyo 'benni 'deni ngi kitekpe, layi kupō mato ga.

²² Wa'di ga na tara? Inzake ti linjo tonyo kpeye tuwē wa di teyi? E'be nima kanisa 'ba Boko'ba na ko'dokoke titi'ja mo todo laja ro bo lisa mo ga? Wa'di na kiterike go miya ziye gomo? Tegē 'do mubi goye? Lipo, mubi goye oto de.

²³ Romoyi akiyandi nime ako zo di zi Yesu Kurisitō njere ze na me medi mololo ziye. Mi korondo nima ki'di kōzi bo zi turu teyi ne, bo ogba mangolo'bo ngi

²⁴ kileki yē'di mo zi Boko'ba bo konye yimo kiya te, "Ame na ro yida roma ame ki'di 'deni goye. Kina ti o'doke nduwē te tomeri ma timo."

²⁵ Kina gbi 'bowu di potō akonyo 'deni na bo kogba kōsu ngi kiya te, "Akuwē nime na ro lömu ma la'ja 'ba Boko'ba ma korō 'deni do roma

ma. Kina ti ɔɔ kɛddi kuwɛke, o'dɔke nduwɛ te tomeri ma timo.”

²⁶ Kina ɔɔ kotoke tonyo maŋgolɔ'bo nima kuwɛke gbɛ nduwɛ te di mi kɔsu nima ɛddike rɔ tuwɔwɔ lende 'ba tɔlɛ 'ba ɲere Yɛsu timo ɲbɔ bo kileki kako dɔliɲɔ bine.

²⁷ Kina nɛ bo ame kɛddi konyo maŋgolɔ'bo 'ba ɲere Yɛsu kuwɛ di mi kɔsu abo nime ɲgɛ tara kinza lende koro mo ne, yida rɔ bo ti roma mo nime na kɛddi ɛ'bi 'deni ka rɔ tuburu bi mo.

²⁸ Nɛ mɔɔ omeri koŋɔ rɔyɛ titi na 'jaa 'ɔɔ konyo kuwɛ di mi kɔsu nime.

²⁹ Rɔmɔyɛ nɛ bo ame kɛddi konyo 'bɛyɛ kuwɛ ɲgɛ tara di mi kɔsu nime kinza meri ma kodɔɔ mo ne, burɛ na ka kɛddi ko'de ɛ'bi dɔyɛ.

³⁰ Gɔ lende mo na ma, ma konzi 'beye mɔɔ ga 'deni ɲgɛ rɔ koro'bo rɔ, rɔ ko'ɔ mɔɔ ga kɔlɛ 'deni ne.

³¹ Ma kiya te dɛdɛ dodɔɔke bɛci lende ra rɔze laka dɛne Kurisitɔ inza kodɔɔ bɛci mo rɔze.

³² Ne tine bo odɔɔ bɛci lende 'deni rɔze bo kodo karama yaga dɔze kinza Bɔko'ba kodo'bo ze ra kɔɔ kote dɔze ti dɔliɲɔ nime.

³³ Kina me mɛdɛ miya ziye lɔndɔ ma ga, ɔɔ kotɔɲike dɔye 'deni tonyo akonyo 'ba ɲere Yɛsu, odake rɔye.

³⁴ Ne ɔɔ nɛ mɔɔ kɛddi rɔ 'bɔ onyo kpɛyɛ mɔlo di liɲɔ 'bi kinza Bɔko'ba kari kodo karama ra dɔyɛ gɔ tako mi kpa kotɔɔ nima. Tine lende mɔɔ naga nima ti modɔɔ gɔmo 'jaa ɔɔ mɔmɔ 'deni ziye yayi.

Kpa Kōzī Ki'di 'Ba Nyī Kōtō Laka

¹ Kina ame ziye kpe löndö ma ga, wa nime rō kpa kōzī ki'di 'ba Nyī Kōtō Laka ne, mo'dokō ziye 'dō kikalike laka.

² Ikalike 'deni tönē gba bine kinza ki'dike dōye dē gō lende 'ba Boko'ba ne, a ma yawa naga a'da ye ngī ki'di ye toro akoro ni ame ga ngī rō tōku kinza kilende dē ne.

³ Kina me mēdi miya ziye bō ame kēdi kilende ti tigō 'ba Nyī Kōtō Laka ne inza kebe kpe kogbōki kiya te, “Jō kōmō nima dōyī ne Yēsu.” Kina gbī bōtō inza kō'bō tiya mo te, “Yēsu na rō n̄ere,” tine n̄ge ti tigō 'ba Nyī Kōtō Laka.

⁴ Bine kpa kōzī ki'di 'ba Nyī Kōtō Laka ēdi pili rō 'berī'berī, tine bo Nyī Kōtō Laka ma ki'di mo n̄ge kōtō.

⁵ Kōri 'ba laja 'ba Kurīsītō n̄ere ze nime gbī pili rō 'berī'berī. Tine bo Kurīsītō n̄ere ze mo n̄ge kōtō.

⁶ Tigō 'ba to'dō ndōbō pili rō 'berī'berī. Tine bo Boko'ba bō ki'di mo zi bilaka pili nime n̄ge kōtō.

⁷ Ziyī nī mōtō Boko'ba i'di rō Nyī Kōtō Laka abo ame ngī kō'bō tokonyi bilaka 'ba kanisa abo ga pili ne.

⁸ Nyī Kōtō Laka i'di ziyī mōtō rō akikali tuwōwō lende. Tine ma 'bēyī mōtō bo kōtō mo nima i'di ziyī rō t̄iyētī mo laka.

⁹ Ma 'bēyī mōtō bo i'di ziyī rō ti'di dōyī laka gō lende 'ba Kurīsītō. Tine ma 'bēyī mōtō bo kōtō mo nima i'di ziyī rō tigō 'ba akilēṅo.

¹⁰ Ma 'bēyī mōtō bo i'di ziyī rō to'dō gō kōtō. Tine ma 'bēyī mōtō bo kōtō mo nima gbī i'di ziyī rō tumē lende 'ba Boko'ba. Kina bo kōtō mo nima

na gbī kēdī ki'di yi nī mōtō tikali lende ma yala na rō 'ba Boko'ba tine ma yala na kinza rō 'ba Boko'ba. Ma 'bēyī mōtō bo i'di zīyī rō tilende rō kpa lōwō. Tine ma 'bēyī mōtō bo kōtō mo nima i'di zīyī rō tūyētī mī 'jō 'ba lende mo.

¹¹ Tine bo Nyī Kōtō Laka kōtō kpōkī nime bo na me pili ko'dō wa naga nime ne. Bo i'di kpa kōzī nime pili rō 'beri'beri zi bilaka rō kōtōkōtō kōzō ma bo ko'dōkō.

Kapa 'Ba Yida Rō

¹² Tine Kurīsītō ēdī kōzō yida rō ame pele kōtō kapa mo ga ḡbaḡi ne tara. Kapa nima konzi pele ḡbaḡi tara nima lijē pili yida rō kōtō nima na.

¹³ Kina gbī tara ze nime pili, Yudayi ni ti bō lōwō mo ga ti atōli ni ti ma kinza rō atōli ni pili, obapatisi ze 'deni ti bo Nyī Kōtō Laka tēdī rō yida rō kōtō. Ze pili duwēke 'deni di mī bo Nyī Kōtō Laka kōtō nime.

¹⁴ Kōzō ma koḡōke yida rō inza ḡge kōtō, kapa mo ga ḡbaḡi.

¹⁵ Me odo ndī kēnyī kebe kiya te, “Minza ama rō kapa 'ba yida rō rōmōyī ma kōzī na dē.” Tara ne lende nime ti ki'di bo ḡḡi yaga kinza kpe rō kapa 'ba yida rō?

¹⁶ Ala odo mbili kēnyī kebe kiya te, “Minza ama rō kapa 'ba yida rō rōmōyī ma kōmō na dē.” Tara ne lende nime ti ki'di bo ḡḡi yaga kinza kpe rō kapa 'ba yida rō?

¹⁷ Me odo yida rō pili na kēdī ḡge kōtō rō kōmō ti kuwō lende tondo? Ala odo kēdī ḡge pili rō mbili ti kumē wa tondo?

¹⁸ Tine Boko'ba iyija kapa 'ba yida rō naga nime pili te ḡō ako'dōkō abo.

19 Ma kiya te kapa ma koto na nge pili kedı dene a moto kideki ro yida ro inza.

20 Kina kozo ame dongoke, kapa pele nbanı tine yida ro koto nima na.

21 Kina me komo inza kikali tiya mo zi kızı te, “Ari yayi mo'doko yi de.” Kina do inza kikali tiya mo gbi zi ndi te, “Ni, ari yayi mo'doko yi de.”

22 Tine kapa 'ba yida ro naga nime pili dedi diyake te inza ro a kembe ne, odo lije kinza yida ro inza ko'bo to'do oto.

23 Tine kapa ame mo ga tone dongoke kinza ro a bota oto ne kina debe doroke za 'bowu yaga ro do kiteli. Kapa ma tone mo ga kine mo ga kaya ro ne na za 'bowu dongoke domo kulowo.

24 Tine kapa ma yaga kele naga nime boto onyo lende mo de.

Boko'ba odo'bo kapa 'ba yida ro 'deni na ma ki'di konjo do ma kinza ro a bota oto mo ga,

25 kinza ndo'ji kedı ra yaga mi longo yida ro. Tine go lije kapa mo naga nima pili ko'o ga ronni ro akoto.

26 Kina odo a moto ko'do kapa moto 'deni kapa ma laki naga nime pili gbi yaga ro ma ko'o. Odo kilelu kapa moto kapa ma laki naga nima pili enyi gbi bi tiliya.

27 Kina me kpe na ro yida ro Kurisitö. Tine kpe pili ni moto ro kapa bo moto.

28 Kina me Boko'ba kiyija ye 'deni tara mi kanisa abo. Dogba mo bo i'di bo laja mo ga. Riyo mo bo i'di bo kume lende ni. Mota mo bo i'di bo komo kiyandi ni kina ki'di bo to'do go koto ni. Kina bo kebe ngi tiyija ya ama ga nati, bo

akileŋo ni ti bo to'do konyi ni ti bo do kanisa ni ti bo tilende ro kpa löwö ni.

²⁹ Kpe pili inzake nge ro bo laja ala ro bo kumë lende ala ro bo komo kiyandi. Kpe pili inzake ti közi kakpa 'ba to'do go koto

³⁰ ala 'ba tileŋo rok'o ala 'ba tilende ro kpa löwö ala 'ba tiyëti mi 'jo 'ba lende mo.

³¹ Kpe, laka miye ngi mbiri ro ma kombi go kpa közi ame ga kulöwö ro do kiteli ne. Tine a moto ma kulöwö ro do kiteli mo ti mileme 'deni ngi ziye, bo na ro ako'o.

13

Ako'o

¹ Kina me ni moto odo kikali pele tilende kpa bilaka lesi ti kpa malayika, tine ni ngi ro ma sari kinza ako'o ti keddi e'bi ka ngi kozo biro lalana ni ti kaliseye ma kudu kulöwö naga tara.

² Odo keddi pele ti tigo 'ba tumë lende 'ba Boko'ba keddi pele ti akikali 'ba wa pili kikali wa ma ro ma kusu naga, meri 'bi ko'bo pele tiyese doku ma löbu naga, tine odo kiya te kinza ti ako'o, inza du te ro oto.

³ Odo koza e'bi ga pele pili yaga ki'di yida röyi gbulungu domo ro akonma, odo kiya te kinza ti ako'o inza ko'do oto lipo te ziyi.

⁴ Ako'o na ro lende këyi ni ti lende laka. Ako'o inza ti mi kombi ala do kombi ni ti tubötö ro.

⁵ Ako'o inziri de. Yimo ututu de. Doki'di mo apa de gbi. Ako'o inda'ba tiyeli de.

⁶ Kina bo inza gbi ro lonjo ti lende kënyë, tine lonjo abo nge ti lende ma kodoro.

⁷ Ako'ɔ ombi ma 'ba bo gomo 'ba wa pili kɔ'bɔ ti'di dɔni ti kɔmo ki'di ti mi kɛddi mo pili.

⁸ Ako'ɔ ote rɔni dɛ kɔzo 'ba kpa kɔzi naga nima. Tumɛ lende ni ti kiteli. Tigo 'ba tilende rɔ kpa lɔwɔ ni ti kiteli. Kina akikali ni gbɛ ti kote rɔnni.

⁹ Rɔmɔyi akikali ma 'beze nime ti tumɛ lende mo ga kpaki ti boti rɔmo.

¹⁰ Tine ɔdo kiya te ma laka kinza boti rɔmo mo kɔmɔ yo kina ma ti boti rɔmo tɔnɛ ga ti kɔlu ngi yaga.

¹¹ Tɔnɛ mɛdi gba rɔ kole titi ne, meri ma ti lende ma pili kɔzo 'ba kole titi. Tine ɔdo kɔmo ma kɔpɔ 'deni mola go lende do kole titi ngi pili yaga.

¹² Kina me ma giri nime dɛdike gba rɔ tonjo Boko'ba nyuru kɔzo di mi mandara. Tine yayi ti dongoke bo 'deni te di do kɔmo di do kɔmo. Ma giri nime gbɛ mikali bo nge gba mbowa, tine yayi ti mikali bo 'deni ngi pili kɔzo ame bo Boko'ba kikali ma pili ne.

¹³ Kina me miya 'deni ziye lijɛ wa mota naga nime ti'di do go lende 'ba Boko'ba ti kɔmo ki'di mo ti ako'ɔ ti kɔ'bɔ ngi nburu. Tine ma rɔ do kiteli mo kina rɔ ako'ɔ.

14

Tilende Rɔ Kpa Lɔwɔ

¹ Ako'ɔ na ki'dike kɛdi dogba kɔmɔye. Kina i'dike miye gbɛ kɛdi mbiri go kpa kɔzi mɔto ga 'ba Nyi Koto Laka, ma rɔ do kiteli mo 'ba tigo 'ba tumɛ lende abo 'ba Boko'ba nima.

² Bɔ ame kēdī kilende rɔ kpa lōwō ne inza kilende zi bilaka lesi, tine nge zi Boko'ba rōmōyī bɔtɔ mɔtɔ uwō mī kpa bo dē. A ma kinza kikali naga na ma Nyī Kɔtɔ Laka kēdī ki'di bo kiya.

³ Tine bɔ ma kumē ma 'ba bo lende 'ba Boko'ba nima ēdī kilende 'ba bo zi bilaka lesi ki'di kɔnyī koco mī kēddī teyi.

⁴ Bɔ ame kēdī kilende rɔ kpa lōwō ne okɔnyī 'bēnī nge rɔ gbagba bo. Tine ma kumē 'ba bo lende 'ba Boko'ba nima okɔnyī bilaka 'ba kanisa ngī pili.

⁵ Kina me mo'dɔkɔ ye pili 'dɔ kilendeke rɔ kpa lōwō. Tine a ma mo'dɔkɔ ziye rɔ dɔ kiteli mo na rɔ lende kumē. Bɔ ame kumē lende 'ba Boko'ba ne, bo na mbiri di dɔ ma kilende rɔ kpa lōwō. Tine nge ɔdɔ bɔ mɔtɔ kiyēti mī 'jɔ 'ba lende mo 'dɔ kokɔnyī bilaka pili 'ba kanisa.

⁶ Lōndō ma ga, me tōnē mako ziye yayi ne, ma mēdī milende ra rɔ kpa lōwō dēne ti mokɔnyī ye tondo ga? O'ja mo'de ngī rɔ akileme mo ti akikali mo ti lende kumē mo gbī ti akiyandi mo 'di.

⁷ Me a ma kinza dīdī naga nime pele kɔzɔ more ni ti tɔmo ni ne, ɔdɔ kingelo yīmo dē laka yē na ti kuwō yīmo?

⁸ Me ɔdɔ bɔ kanya kome tototi dē laka yē na ti kilenjo rōnī ndō koda dɔ ya?

⁹ Kpe na gbī tara. ɔdɔ kebe kilende rɔ kpa lōwō bilaka kuwō yīmo dē 'dɔ lijē kikali tondo? Ēddī kilende ē'bī ka ngī mī lili.

¹⁰ Mī doliŋɔ bine kpa bilaka na me ga pili nbanji rɔ gege ti 'jɔ 'ba lende mo ga.

11 Tine ɔɔɔ muwö mi 'jo 'ba lende mo dë ma 'deni rɔ bɔ löwö zi bɔ kiya mo tɔ nima. Kina bo 'deni gbï yaga rɔ bɔ löwö zö.

12 Ne dëne kɔzɔ ma 'beye nime kiterike kpa közi 'ba Nyï Kɔtɔ Laka kulöwö ne, ma laka mo 'dɔ kogboke rɔye tokonyi bilaka 'ba kanisa.

13 Kina me ni ame këddi kilende rɔ kpa löwö ne, ititi Bɔko'ba ki'di yi gbï tiyëti mi 'jo 'ba lende mo.

14 Römöyï ma 'bama ɔɔɔ mumötu rɔ kpa löwö dökï'di ma na nge këdi kumötu, tine meri 'ba dɔma o'ja ɔtɔ dë di teyi.

15 Ne tine gɔ mo'dɔ tondo? Ti mumötu ti dökï'di ma gbï ti meri 'ba dɔma. Ti moba ngala ti dökï'di ma gbï ti meri 'ba dɔma.

16 Me ɔɔɔ kileki yëë'di mo nge ti dökï'di yi zi Bɔko'ba 'dɔ bilaka ama ga yayi ne ko'dɔ "Amini" tondo gɔmo kinza ma bo kikali wa ma këddi kiya mo dë?

17 Mɔtɔga mötu 'bi nima ti këdi rɔ ma laka, tine bɔ ama tiyï ne o'ja ɔtɔ dë di teyi.

18 Ne ma 'bama mileki yëë'di zi Bɔko'ba gɔ ame milende kpa löwö kebe ye.

19 Tine ma di mi kanisa tilende mbowa ti meri 'ba dɔma ti kpa ma kuwö yïmo naga na mo'dɔkɔ tiyandi ya mɔtɔ ga timo. Ame na rɔ dɔ kiteli zö di dɔ tilende kulöwö rɔ kpa löwö.

20 Löndö ma ga, kinza komerike lende dë kɔzɔ kole titi. Tine ilekike rɔye nge rɔ boyi titi zi lende kënyë. Meri 'be i'dike këdi rɔ 'ba bulöbu.

21 Mi buku 'ba Bɔko'ba iya 'deni te, "Ti moja bɔ löwö tilende zinni lijë bilaka ma naga nime.

Ti milende zinnī rɔ kpa lɔwɔ. Tine pele lījē inza kuwɔ dɔma.”

²² Kina me dikalike 'deni tilende rɔ kpa lɔwɔ nima i'di rɔ akileme zi ma kinza ki'di dɔnnī dē gɔ lende 'ba Bɔko'ba naga. Tine inza zi ma ki'di dɔnnī 'deni. Kina tumē lende i'di rɔ akileme zi ma ki'di dɔnnī gɔ lende 'ba Bɔko'ba naga, inza zi ma ki'di dɔnnī dē mo ga.

²³ Me ɔɔɔ kpe bilaka 'ba mī kanisa pili kebeke ηgī bi tilende rɔ kpa lɔwɔ na bɔ mɔto ame kinza rɔ 'ba kanisa ne kako kɔɔɔ yayi, bo ti kiya dē te kpe nōkī na? Ne bɔ ame ki'di dɔnī dē gba gɔ lende 'ba Bɔko'ba ne

²⁴ ɔɔɔ bo kɔɔɔ ko'ja kpe pili kēddike tumē lende 'ba Bɔko'ba, wa ame ga bo kuwɔ ne ēdī komba dōkī'dī bo ηgī bo komeri gɔ lende kēnyē abo ga. Lende ma bo kuwɔ nima na ti kote burē abo ηgī

²⁵ koja lende kēnyē ma dōkī'dī bo pili yaga bi kɔɔɔ, bo ti kolɔɔɔ bēri tumɔtu Bɔko'ba kiya te, “Bɔko'ba ēdī ηgī mī lōnggō ye.”

A Ma Kodɔɔ Mī Kanisa

²⁶ Lɔndɔ ma ga, a ma miteri ziye na me. ɔɔɔ kotɔɔnike dɔye 'deni mī mɔtu nima mɔto koba ηgala, mɔto kiyandi wa, mɔto kiyētī gɔ akileme ma kēdī ko'dɔ rɔnī, mɔto kilende rɔ kpa lɔwɔ, mɔto kiyētī mī 'jɔ 'ba lende mo. Tine i'dike ko'dɔ wa pili rɔ kɔnyī rɔ gɔ rɔ.

²⁷ Ne ɔɔɔ mɔto ga kēdī kilende rɔ kpa lɔwɔ, i'dike lījē kēdī ηge kɔzɔ riyō ala mota tara. Kina 'dɔ lījē kilende gbī rɔ kɔtɔkɔto ki'dike bɔ mɔto kiyētī mī 'jɔ 'ba lende mo.

28 Ne ɔɔɔ bo kiyēti kpēnni kinza i'dike lijē kudumö ma 'bēnni ngi, lijē kilende nge ti minni zi Boko'ba.

29 I'dike ma riyö ala mota ame ga rɔ bo kumē lende 'ba Boko'ba ne na kilende mɔɔ ga kuwö ma 'bēnni nge tara kitemo gomo.

30 Ne ɔɔɔ Boko'ba ki'di lende abo ngi mi bo mɔɔ di mi kpa kotɔɔ yayi, bo ma kēdi kilende dɔgba mo nima kudumö ma 'ba bo ngi gbo yaga.

31 Kina ti kpe pili kiyētike lende 'ba Boko'ba rɔ kotokɔɔ 'dɔ kiyandi ma konzi pili ki'di mi kēddi teyi.

32 Bo kumē lende ni kɔ'bo titi togbo dɔ a ma kēdi kɔɔɔ di kpēnni.

33 Römöyī bo Boko'ba inza rɔ bo akirasi. Bo rɔ bo lende kēyi.

Kina me mi kpa kotɔɔ 'ba bilaka 'ba Boko'ba pili

34 kinza 'ja kusē dē ti lende. Kola lijē dē kilende römöyī kö'du ki'di 'ba Musa iya 'deni tönē bine te, "A mɔɔ rɔ 'ja kinza mbiri dɔ bɔtoni."

35 ɔɔɔ lijē ko'dɔko tikali a mɔɔ lijē kari kititi mē'dē nni ga 'jaa di liɔɔ. ɔɔɔ 'ja mo kusē ti lende mi kpa kotɔɔ 'ba kanisa loko ɔɔ rɔ kaya 'deni rōni.

36 Mikali dē, e'be nima gɔ ame lende 'ba Boko'ba kisasi kako di ziye ne? Ala gɔ ame e'be kako nge ziye ne?

37 Ne ɔɔɔ ni mɔɔ kiya rōyī tēgē rɔ bo kumē lende rɔ bo kēdi ti kpa közi 'ba Nyi Kɔɔ Laka ikali a nime mugu ne na ngi rɔ kö'du ki'di 'ba Kurisitö nere ze.

³⁸ Boto ame kuwö do kö'du ki'di nime de ne kinza ni motö kuwö do bo de.

³⁹ Kina me ti löndö ma ga, tumë lende mo na ki'dike dökü'di ye gomo. Tine kinza ko'jɔɔke go tilende ro kpa löwö de.

⁴⁰ Wa pili o'doke ro kpa koriya.

15

Todo 'Ba Kurisitö Di Mi Tölö

¹ Kina me ti löndö ma ga, mo'doko tileki tiya go laja laka tonë muwöwö 'deni bine ne gbï ziye. Ame kina kinda'bake 'deni koroke kitigo timo mi meri 'be ne.

² Ama kina ro laja koto laka mo ma muwöwö ziye. Kina ti komo ye ngi timo di mi tolö odo kinda'bake ki'dike doye laka gomo. Ne odo kinza tara, omba i'dike e'be doye 'deni ka ngi gomo ro beti.

³ Ma ro do kiteli mo ma muwö mololo gomo miya ziye mo na me, Kurisitö öle 'deni go lende kënyë ze ga kozo ma kugu molo mi buku 'ba Boko'ba tara.

⁴ Usu bo 'deni tine bo enyi 'deni kodo yaga di mi tolö mi tö'do do mota kozo ma kugu yayi.

⁵ Kina bo odo 'deni kileme ro bo zi Pitörö. Bo ileme ro bo gbï zi bo laja abo ga ma 'butë domoriyö.

⁶ Kina bo kodo gbï kileme ro bo zi bo kuwö lende abo ga ma konzi kozo kuluku 'butë (500) tara pili bi koto, ame ma konzi moto mo ga kedï gba ti komönni ko'ja kabate ne. Ala odo moto ga ti kolë 'deni pele.

⁷ Kina bo ɔɔo kileme ro bo zi Yakoba, gbɛ zi bo laja abo mɔto ga pili.

⁸ Tine ma ro ɲburuɲburu mo pili na bo kari kɔɔo ɲɔi zɔ ma ame ro kole kɔyɔ kinza ko'de bi do ɔto dɛ mo nime.

⁹ Ma na 'bama ɲɔi wɔti ro bo laja ame mo du kinza ro ɔto ne. Mo'bo dɛ 'do kidɛki ma ro bo laja 'ba Kurisito. Rɔmɔyi moloma pa ro to'do kɔzi kasi zi kanisa 'ba Boko'ba.

¹⁰ Ne tine ti mi kɛyi 'ba Boko'ba na me ma 'deni te ne. Kina gbɛ mi kɛyi nima ilikɔ dɛ ɲɔi tara ro yawa, rɔmɔyi ma na mo'do ndɔbo ɲɔi kebe bo laja ma laki pili. Tine ndɔbo ko'do ma na dɛ. Mi kɛyi 'ba Boko'ba na ko'do ndɔbo tɔ.

¹¹ Kina me ɔɔo kɛdi pele ro ma kako di zɔ ala di zinni lijɛ ma ro bo laja mɔto mo naga nime kina kpaki ro wa ma duwɔwɔ mo ame ki'dike doye 'deni gomo ne.

Tɔɔo 'Ba Tɔku Di Mi Tɔlɛ

¹² Kina me laja pili ma duwɔwɔ iya te Kurisito ɔɔo 'deni yaga di mi tɔlɛ. Ne ro ma tondo mo na ya ma 'beye mɔto ga kɛdi kiya 'benni 'bowu te tɔku inza kindiɲi kpe?

¹³ Ne ɔɔo kɛdi ro ma laka, omba Kurisito indinɲi dɛ du.

¹⁴ Kina ɔɔo kindiɲi Kurisito dɛ gbɛ yaga di mi tɔlɛ a mɔto inza kpe ame go duwɔwɔ. Kina a mɔto inza kpe gbɛ ziye ti'di doye gomo.

¹⁵ Kina ma ro do kiteli mo ti kileme ze ɲɔi dunzo beti 'deni kpa Boko'ba. Rɔmɔyi diya 'deni te Boko'ba indinɲi Kurisito 'deni yaga di mi tɔlɛ. Ne ɔɔo kɛdi 'deni ro ma laka tɔku kindiɲi dɛ indinɲi Kurisito dɛ ma?

16 Römöyî ɔɔɔ kindiɲi tōku dē indinɲi Kurisitō dē gbī.

17 Kina ɔɔɔ kindiɲi Kurisitō dē meri 'be ame ki'dike dɔye gɔmo ne 'deni ka ŋgī bi sari, wali 'ba lende kēnyē 'be ēdī gba dɔye.

18 Kina lijē ame ga kō'dō 'deni mī Kurisitō ne ölu 'deni gbī.

19 Kina me ɔɔɔ kɔmɔ ki'di ze gɔ Kurisitō nime kēdī 'deni ŋge gɔ loma 'ba dɔliɲɔ nime, lisa ma 'beze na ŋgī 'deni kulöwö nati.

20 Ne lende ma rɔ ma kodɔrɔ mo na me, indinɲi Kurisitō 'deni di mī tölē. Bo na 'deni rɔ dɔndende 'ba tɔɔɔ di mī tölē zi ame ga pili kēdī kölē ne.

21 Römöyî kɔzɔ ame bilaka lesi na ko'de tölē ne, kina me 'deni gbī bilaka lesi na ko'de tɔɔɔ di mī tölē.

22 Kina kɔzɔ ame ma konzi kölē 'deni kɔɔɔ ti Adama ne tara ma konzi ti kɔɔɔ gbī yaga di mī tölē kɔɔɔ ti Kurisitō.

23 Mī tumu ame mo ŋgī rɔ ma kodɔrɔ ziyi mɔɔɔ ne, Kurisitō na 'deni rɔ kole dɔndende 'ba tɔɔɔ di mī tölē. Kina 'jaa 'dɔ kiyija ame ga rɔ 'ba bo 'ba Kurisitō ne ti mī kada 'ba tako abo.

24 Kina ŋburunburu 'ba dɔliɲɔ mo tönē ti kōmō ŋgī nati. Kurisitō ti ka'da wa pili ma rɔ löbu dɔ dɔliɲɔ nime ti ma ti kōzi kakpa ti bɔ tigo mo ga ŋgī pili kogba ŋere löbu ki'di zi Bɔko'ba 'bu.

25 Römöyî bo Kurisitō na Bɔko'ba ki'di 'deni mɔlo 'dɔ kēdī rɔ bɔ dɔ dɔliɲɔ nime ŋbö bo ka'da bɔ ya abo ga ŋgī pili.

26 Tine bɔ ya ma ŋburunburu ma 'dɔ ka'da mo tönē na rɔ tölē.

27 Buku 'ba Boko'ba iya 'deni te, “Boko'ba i'di bo ka'da wa pili 'deni.” Tine wa pili nime kiya te bo a'da ne, Boko'ba inza yimo. Römöyï Boko'ba na ki'di bo ka'da wa pili mo naga nima.

28 Kina ɔɔ bo ka'da wa pili 'deni bo kole gbï ti kileki rɔ bo bërï bi ndï Boko'ba ame ki'di wa pili 'deni bi ndï bo bërï ne. Kina gɔ Boko'ba na kədï ngï nati rɔ bɔ dɔ wa pili.

29 Ne gɔ wa'di na bilaka kədï ko'dɔ bapatisi ti möyï töku 'bënnï ga gɔmo? Ma kiya te tɔɔ di mï tölë kinza yɔ ti ko'dɔ bapatisi ti möyï töku ni gɔ wa'di?

30 Ne kina me gɔ wa'di na dilaŋa 'beze rɔze ngï ŋburu tombi gomo?

31 Löndö ma ga, ma 'bama ngï rɔ kɔmɔ lëndö mï tölë. Dɔ kombi ma gɔye mï loma ze mï Kurisitö ŋere ze na me kədï ki'di ma miya wa naga nime pili te ne.

32 Ma mädï ra ŋge rɔ yida rɔ 'ba dɔyayi nime dëne ti mo'dɔ ya ti kuruku 'ba mökö naga nime di Epeso bine ne ka gɔ wa'di? Wa'di ga na ti mo'ja di gomo? ɔɔ kiya te töku ni kindiŋi dë kpe kɔɔ yaga donyoke eze kpeze ti tone duwëke römöyï tülëndö dädï dölëke kɔzɔ ma tönë kiya rönï ne.

33 Kpe, kinza köluke lende dë. Rɔ ma laka kɔzɔ lende mumë tönë, lëpï kënyë ëdï kirasi lende laka 'bï.

34 Ilekiye komerike dɔye kolake gɔ lende kënyë yaga. Mädï miya nime rɔ laŋa rɔye römöyï ya mɔɔ ga yayi ikali Boko'ba dë.

Kinë Ma Kədï Kɔɔ Timo Di Mï Tölë

³⁵ Ya mɔtɔ ga ti kileki kiya te, “Ti tɔku ni kɔdɔ tondo mo ga? Kinɛ ma tondo mo ga na 'dɔ lijɛ kɔdɔ timo?”

³⁶ Ti miya te, ni rumɔ nime, kupɔ ɔdɔ kogba kidiyɛ mi yayi, ɛdi kɔlɛ titi gba na 'jaa kɔtu.

³⁷ Tine ma kidiyɛ mo tɔnɛ inza rɔ ma kɔtu mo nima pili. Kupɔ na nge ngi kidiyɛ ɛ'bi rɔ silinbi. Mɔtɔga bo abo rɔ 'jo nyɔnyu ala 'jo 'ba a mɔtɔ.

³⁸ Kina Bɔko 'ba kogba kinɛ ame bo ko'dɔkɔ abo ne ki'di zi kupɔ nima kɔtu timo. Kupɔ pili rɔ gɔmo bo i'di kinɛ teyi rɔ ame ga koriya timo ne.

³⁹ Kina me kinɛ wa ame ga pili ti didi yimo ne inza kɔtɔ. Bilaka lesi ti kinɛ ma 'bɛnni 'beri. Yɛri ti ma 'bɛnni 'beri. Yali gbɛ ti ma 'bɛnni 'beri. Kina kenze ni gbɛ ti ma 'bɛnni ga 'beri.

⁴⁰ Kina me kinɛ a ma mitɔrɔ 'beri. Kinɛ ma mi dɔyayi bine gbɛ 'beri. Kina tele 'ba a ma mitɔrɔ 'beri, ma 'ba mi dɔyayi bɛri bine gbɛ 'beri.

⁴¹ Kada ti tele ma 'bɛni, nyepe gbɛ ti ma 'bɛni kina kɛlu ni gbɛ ti tele ma 'bɛnni ga. Tine pele di mi lɔngɔ kɛlu naga nima tele mo ga ɛdi gbɛ pili rɔ gege.

⁴² Kinɛ tele nime na ti kɛdi tara zi tɔku ame ga kɔdɔ di mi tɔlɛ ne. Tɔku ame kɛdi kusu 'deni ne ngi rɔ yida 'ba yayi, tine ɔdɔ kɔdɔ 'deni yaga enme dɛ kpe.

⁴³ Mi tusu mo ɛnyɛ ɛ'bɛni 'deni ngi yaga tigo mo tɔ kinza kpe. Tine ɔdɔ kɔdɔ 'deni ele ngi nburu ti tigo rɔ mbɛmbɛ.

⁴⁴ Mi tusu mo rɔ yida rɔ ma sari nime, tine ɔdɔ kɔdɔ 'deni ngi rɔ 'ba Nyi Kɔtɔ Laka.

Kina kɔzɔ ame dikalike yida rɔ ma sari nime kɛdi ne, omba yida rɔ 'ba Nyi Kɔtɔ Laka ɛdi gbɛ tara.

45 Römöyī buku 'ba Boko'ba iya 'deni te, “Bilaka ma dɔndende mo tɔnɛ rɔ Adama ne o'ba 'deni ti didi yimo.” Tine Adama ma ɳburuɳburu mo na 'ba bo rɔ bo ti'di didi.

46 Donɔoke 'deni bine yida rɔ ma Nyi Kɔɔ Laka ki'di na dɛ titi kako dɔgba, tine yida rɔ ma sari nime na kako dɔgba.

47 Adama ma dɔndende nima o'ba di mi lupu 'ba dɔyayi. Tine Adama ma rɔ mi riyo mo ako ma 'ba bo di mitɔɔ.

48 Kina me ya ame ga mi dɔliɳɔ ne ɳgi kɔɔ bo ma ko'ba di mi lupu nima. Tine ya ame ga mitɔɔ ne ɳgi kɔɔ bo ma kako di tɔɔ mo nima.

49 Kina kɔɔ ame doloke kinɛ 'ba bilaka ma ko'ba di mi lupu 'deni rɔze ne, kina gbi tara yayi ti doloke kinɛ 'ba bilaka 'ba dɔyayi 'ba mitɔɔ 'deni rɔze.

50 Lɔndɔ ma ga, wa ame mɛdi miya ziye ne na me. Wa ame ga ko'ba kɛdi ti roma ti yida rɔ ne inza ti gɔ bi mi ɳere lɔbu 'ba Boko'ba. Kina ame rɔ yida 'ba yayi ne inza ti gɔ bi mi dɔliɳɔ ma kote rɔni dɛ kɔ'bɔ rɔ ɳburuɳburu nima.

51-52 Uwɔke lende kusu nime tɔ ma. Ze nime pili dinza dɔlɛke ɳgi 'doyi yaga. Tine ɔɔo birɔ tɔtɔti ma ɳburuɳburu mo tɔnɛ na kudu yɔ ɳgi kpiliɳi kɔɔ kɔmɔyī ame komba ne te na ze nime pili dɛdi duyike rɔze ɳgi yaga welo. Römöyī ɔɔo birɔ tɔtɔti nima kudu yɔ na tɔku ni kɛdi kɔɔo ɳgi ti yida rɔ ame keɳme dɛ kpe ne. Kina kɛdi kuyi ze ɳgi pili.

53 Wa ma tɔnɛ ga rɔ yida 'ba yayi ne ɛdi kolɔ yida rɔ ma keɳme dɛ ne ɳgi rɔnni. Wa ma tɔnɛ ga kɛdi kolɛ ne ɛdi kolɔ yida rɔ ma kinza kolɛ ɳgi rɔnni.

⁵⁴ Kina me ɔɔɔ wa ma rɔ yida 'ba yayi ni na kēdi kolo yida rɔ ma keŋme dē 'deni, wa ma kēdi kōlē naga kēdi kolo yida rɔ ma kinza kōlē 'deni tara tine, omba ēdī 'deni ŋgi ko rɔ ma laka kɔzɔ ma tōnē buku 'ba Boko'ba kiya ne. Ame kiya te, “A'da tōlē 'deni, iyōlu kpa bo 'deni yaga.

⁵⁵ Nī tōlē, aka'da 'bī ēdī yala? Nī tōlē, 'dī yī mo tōnē ēdī yala?”

⁵⁶ 'Dī abo 'ba tōlē ame bo kēdi ko'be wa timo ne na rɔ lende kēnyē. Kina bi tigɔ 'ba lende kēnyē na ti kō'du ki'di 'ba Musa.

⁵⁷ Ne tine yēē'dī kēdi zi bo Boko'ba gɔ ame bo ki'di aka'da 'deni zize ti ɲere ze Yēsu Kurīsītō ne.

⁵⁸ Kina me ti ziye kpe lōndō ma ga ma mɔ'ɔ kulōwō nime, ɔ'bōke kitigɔ ti mī kēddī ogbōke rɔye ɲburu mī ndobɔ 'ba ɲere Yēsu Kurīsītō. Rōmōyī kɔzɔ ame kikalike 'deni a mɔtɔ ame ko'dɔ dōmōyī bo ɲere ne ilikō dē ŋgi du tara rɔ yawa.

16

Akireke

¹ Mēdi mi'di ame ziye tikali mo gɔ lende 'ba gīrīsī ame 'dɔ kireke tokonyi bilaka 'ba Boko'ba ma mī Yudayi timo ne. Ziye gbi 'dɔ to'dɔ mo kɔzɔ ma mose zi kanisa ma Galatiya.

² Rɔ gɔ kada lōbu pili nī mɔtɔ ogba gīrīsī gɔ tigɔ 'bī ki'di bēri 'dɔ kireke dōnī. Rōmōyī ɔɔɔ mōmō kinza kēnyī 'jaa 'bōwu tireke mo di rōma.

³ ɔɔɔ mōmō yayi bilaka ame ga koŋgɔke 'deni ne na ŋgi ti moja ti waraga kari ti kpa kōzī ki'di 'be nima Yerosalema.

⁴ Ne ɔɔo kinda gbɛ laka zɔ 'do mari, ti dilingere kɔto tinni.

Akumötö

⁵ Ti mömö 'jaa ziye ɔɔo mudö 'deni titi kebe Makedoniya. Römöyɛ mo'dɔko titi tudö kebe yayi.

⁶ Mëdi mari nime 'do toloma titi mbowa tiye yayi. Mɔtoɔga ti mote lowa nime pili tiye yayi. Kina 'do ki'dike ma 'jaa ɔo kɔri tari dɔgba mi lingere ma di yayi tari ɔo bi mɔto ame zɔ 'do tari teyi ne.

⁷ Mo'dɔko dë 'do tonɔo ye nge ɔo kɔrɔkɔrɔ titeli nɔi dɔmo. Momeri 'do migabi titi mbowa tiye kɔzo ako'dɔko abo 'ba Kurisito nere ze tara.

⁸ Tine ti moloma titi nɔbo kada 'ba Penitikosi kota ma Epeso bine.

⁹ Bi 'ba tiliya ɔo ɔo ndɔbo ma laka mo tönë na me 'jaa bine ne. Tine a mo ngoro titi mɔto ga ëdi nɔbani bine tonyo burutu ma.

¹⁰ ɔo Timatiyo kömö yayi i'dike bo koloma dömbëli bo kolɔdo bëri römöyɛ bo ëdi ɔo to'do ndɔbo 'ba nere Yësu kɔzo 'bama.

¹¹ Kina kinza bɔto mɔto kebe dë kudöli bo. Ojake bo kari mi kɔri abo liya ti yëyɛ mo, bo kileki kako zɔ bine. Römöyɛ mëdi nɔi bine ti kɔmo ki'di gönni lijë ti löndö mɔto ga.

¹² Tine ma 'ba bo löndö ze ame ɔo Apolo ne, ma na moco 'deni zi bo kulöwö 'do bo kari ti löndö naga nime kömö tonɔo ye yayi. Tine inza ɔo ako'dɔko abo na 'do tari giri nime. Bo ti kari nɔi ɔo bo ko'ja kɔri mo.

13 I'dike kómoye kēdi kilegbe koroke kitigo mi a ma ki'dike doye gomo. Olomake kinza tikere ti mi kēddi.

14 O'doke wa pili ti ako'ɔ.

15 Löndö ma ga, ikalike 'deni bilaka liɔ 'ba Setepana na ki'di dönni dogba go lende 'ba Yēsu di Giriki yayi. Kina lijë na gbī ki'di rönni 'deni 'do to'do ndobo 'ba tokonyi bilaka 'ba Boko'ba ga. Kina me mēdi miya ziye,

16 lijë ma kozo a nime te naga nime na go kuwöke dönni gbī ti lepī nni moto ga ame kopi rönni mi ndobo nime ne.

17 Miliya ngi kulöwö go tako 'ba Setepana ni ti Potonato ti Akayiko ame lijë kako kömö ngi zö bine ne. Lijë ngi kozo iya te kpe mo na 'deni tara.

18 Lijë idinga doma ngi yaga gbī kozo ame lijë kidinga doye ra ne. Lijë bilaka ma kozo a naga nime te o'doko go lende 'bēnni na kinda'ba.

19 Kanisa ame ga pili mi doyayi 'ba Asiya bine ne umötö ye pili. Akowila ni ti Purisika ti bilaka 'ba kanisa ma kēdi tinni liɔ naga umötö ye ro mbembē mi möyi nere Kurisito.

20 Löndö ma bine naga nime umötö ye pili. Kina umötöke roye ro go roye ti közi riyö mi möyi Boko'ba.

21 Ma Polo na me mugu mötö nime ti közö. Mötö ma ziye pili.

22 Boto ame kinza ti ako'ɔ 'ba Kurisito ne sönö kēdi domo.

Nere ze, ileki ti kako.

23 Lende këyi 'ba Yēsu Kurisito nere ze koloma tiye.

²⁴ Ako'ɔ ma koloma tiye mi möyi Yësu Kurisito.

Jur Mödö
Jur Modo: Ndose Kodo Laka, Buku 'ba Tisaki ni Tодо
to Lömu La'ja 'Ba Yösu Kurisito Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07